

MERICI
CASAVBONI,

Aa. If. F. 6. 62

DE VERBORUM

*usu, et accuratæ eorum cog-
nitionis utilitate,*

DIATRIBA.

LONDINI,

Typis *M. Flesher* : sumptibus *R. Mynne* :
in vico vulgò dicto, *Little Britaine* :
sub insigne *S. Pauli*. 1647.



2021:00



Mericus Casaubonus, Is. F.
Joanni filio,
S. P.



Vanquam nolim ego
te, mi Joannes, cum
ævi & judicii matu-
rior eris, libros ullos
vel ex mole, (quæ
multorum fatuitas
est :) vel ex modu-
lo æstimare ; fateor
tamen ex hoc libel-

li hujus modulo, in quem typographi
pro suo arbitrio illum concinnarunt, in
eam primum cogitationem venisse me, ut
tuum nomen hic inscriberem. *PARVUM*
parva decent, ait alicubi tuus Horatius.
Tibi autem parva adhuc ætas ; ut qui
vix dum primam annorum ætatis deca-
dem egressus sis : & pro ætate corpus
non magnum. Ac memini valde adhuc
infantem te nullis adeò muneribus ob-
lectari solitum, quàm vel libris, aut quæ
librorum speciem præferrent : quod pa-
rentibus tuis jam tum futuræ tuæ indo-
lis lætum fuit augurium. Hactenus cer-
tè, quanquam crebra valetudinis infir-

mitas alacritati tuæ, ac bonitati ingenii non parum obstiterit; de te tamen ipso queri non possumus. Cæterum, quemadmodum Amilcar olim pater Ann. Annibalem filium, (illustria in Historiâ Romanâ nomina) adhuc impubessem, per altarium religionem & solemnità sacra ad odium populi Rom. quasi ad paternas artes obstrinxit; ita mihi visum publicâ hac & solemnī compellatione ad bonarum artium ac literarum amorem posito te obtestari. Et hoc quidem tibi opto maxime ob ipsas literas, quæ præmium veris & genuinis cultoribus amplissimum. Tibi tamen peculiaria quædam incitamenta & vincula: non avi tantum tui memoria, & exemplum, quod plurimum apud te valere debet; sed etiam quæ suis propria reliquit industriæ suæ, singularis & indefessæ, monumenta; *Adversariorum*, ut vulgò vocant, multiplex supellex: quam certè, cum iudicium & eruditio tibi suppetent, ut suo pretio æstimare valeas, omni aliâ hereditate (qualem ex me sperare non magnam potes) longè tibi potiore visum iri non dubito. Ad eruditionem verò non nisi per linguas aditus tibi patebit. Quatuor autem linguarum studium præcipuè tibi commendo: Hebraicæ, Græcæ, Latinæ, & Saxonicæ: quarum singularum usum & dignitatem quò melius intelligeres, tractatum tibi de quatuor istis linguis adornavi;

navi; qui quia aliis quoque utilis esse
potest, publicum propediem, Deo vo-
lente, faciam. Interim, si ad avitas
laudes, imò si ad veram fœlicitatem
aspiras, fac ut in pueritiâ tuâ Crea-
toris tui sis memor, & à primis, quod
aiunt, unguiculis his cogitationibus as-
fuescas, vanum & ineptum esse omnem
laborem conatumque, qui non ad Dei
O. M. gloriam, & melioris vitæ con-
sequendæ spem refertur. Vale.

A 5 Sum-

**Summarium ac series
corum quæ hic con-
tinentur.**

Reram cura, &
cura verborum,
à multis com-
missa & opposi-
ta; quàm re-
flet. pag. 1. &c.

*Senecæ, Gellii, Galeni, con-
tra verborum curam sententia
& auctoritas, quæ, & quanti
fatienda.* P. 7. &c.

Item Platonis. p. 10.

*S. Augustini De Magistro
liber, quo argumento, & quem
in finem ab illo scriptus.*
p. 13. &c.

*Nostra de verborum curâ
scientiaque*

scientiaque sententia. p. 20.

Cujus ratio primò generalis, à libris subditiis, corruptis, & interpolatis, & eorum certissimâ dignoscendi ratione proponitur. p. 21. &c.

Verborum usus in particularibus scientiis.

¶ *IN THEOLOGIA.*

p. 29. &c.

Ἀποστολὴν εἰς ἡρώδην, rapinam non arbitratus est, in S. Pauli verbis Ad Philip. c. II. v. 6. quid significet.

p. 37. &c.

Hugonis Grotii Annotationum in Novum Testamentum, tomus secundus.

p. 57.

Ejus, verborum S. Pauli, ὅς ἐν ποσὶ θεῷ ἐκάρηκεν, &c. Ad Philipp. cap. II. v. 6. 7. 8.

20.
era-
rup-
um
ione
&c.
ign-
A.
&c.
api-
in
lip.
cet.
&c.
no-
te-
an-
57.
u-
c.
6.
8.

7. 8: *expositio expenditur.*
p. 58. &c.

Ejusdem pia mors. p. 91.

¶ *Verba Christi Matth.*

XII. v. 26. λέγω ὑμῖν ὅτι πᾶν ῥή-
μα ἀργόν, &c. Dico vobis
quod omne verbum otio-
sum, &c. non ut vulgò, ex-
ponuntur. p. 95. &c.

¶ *Nicephori Gregoræ,*
de sacra Script. verbis &
stylo, locus insignis. p. 108.

¶ *In JURISPRUDEN-*
TIA. p. 110. &c.

Formularum, Ex jure
manu confertum vocare :
In rem præsentem veni-
re, &c. ex Is. Casauboni
Adversariis MS. interpre-
tatio. p. 115. &c.

¶ *In MEDICINA.*
p. 120. &c.

¶ *In*

¶ In PHILOSOPHIA:

Dialectica. p. 127. &c.

Morali. p. 131. &c.

Naturali. p. 133. &c.

De verbis Aristotelicis,

Τὸ τί ἦν ἴδιον, & ἐνδεχόμενα: ex

Is. Casauboni Adversariis

MS. p. 135. &c.

¶ In POLITICIS.


p. 141. &c.

¶ *Ioannis Croii, Observationum Pars Prior: & nostrum de illis iudicium.* p. 158. &c.

A:
&c.
&c.
&c.
ris,
ex
riis
&c.


s.
&c.

73-
10-
8.



Errata. /

Pag. 14. in marg. lin. 2. *quoniam*. p. 49
l. 13. *αρεσίδαν*. p. 72 l. 17. *haudqua*
quam. p. 94. l. 20. *propridie*. p. 96
l. 6. *Αργυρ έμμεα*. p. 106. l. 2. "*Ος γ'*" *ε*
p. 108. l. 19. *γερωνς*. ib. l. 21. *βασιλίστης*
p. 124. l. ult. *invehendo*. p. 156. l. 15. *in*
est.





De Verborum usu,

& accuratæ eorum
cognitionis utilitate :

Diatriba.

p. 49
udqua
p. 26
s. 2
et al. 1. 15. 49



Aud paucos re-
perire est, qui
cum de voci-
bus & verbis
incidit qua-

stio, eò statim, tanquam ad
Prætoris interdictum aut le-
gitimam obnunciationem con-
fugiant, ut non verba se, sed
res curare, ac de illis modò
sollicitos esse contendant.
Nec is


B

mq

mo est, sed interdum & illorum, qui ab eruditione & humanitate, (quales Seneca, Aulus Gellius, & Medicorum post Hippocratē facilè princeps Galenus, aliique) celebres olim fuere.

Honesta sanè (si commoda adhibeatur interpretatio) oratio, & ingeniis digna liberalibus. Sancto enim, si quis alius, Augustino libenter assentior, *Bonorum ingeniorum insignem esse indolem, in verbis verum* (res ipsas utique) *amare, non verba*. Nec minùs arident veteris cujusdam apud Aulum Gellium Grammatici verba, *Nulla prorsus bona salutis spes reliqua est, cum vos philosophorum illustrissimi nihil jam aliud quàm verba auctoritatesque verborum cordi habeatis*.

habeatis. Quanquam autem alicubi Cicero quenquam literis mandare cogitationes suas, qui eas nec disponere, nec illustrare verbis possit, hominis intemperanter abutentis otio & literis esse pronuntiet; & alibi, qui quemadmodum dicant ipsi non laborant, cur legendi sint nisi ipsi inter se, qui idem sentiunt, causam non videre profiteatur; quæ videtur, & Dionysii Halicarn. mens fuisse, ubi οὐδὲν ὀφελὺ διαλέσας ἐν χρηστῇ, ἐν μὴ τις αὐτῇ κόσμον ἀποδώσει καλῶς ἑνεμασίαις, asserit; non ego tamen unquam tam delicati & fastidiosi stomachi, ut scriptores quoscunque vel impolitissimos & barbarissimos (si qui tales) scatentes non æquo animo legerem, si quod ad

rerum cognitionem faciat, non ubivis obvium, ex isto verborum sterquilinio colligere daretur. Sed quoniam ; qui de verbis ita vulgò loquuntur, non tam quod rerum studio præter alios addicti verè sint, ita loquuntur, quàm ut suam tegant *imperitiam* & ignorantiam, ne dicam (quod de nimium multis verè dici potest;) ignaviam; nè juvenes incauti, ex quorum industria ad rem publicam fructus uberes aliquando redire possunt, speciosis his vocibus abrepti decipiantur; operam me navaturum nec inutilem per se, nec his temporibus intempestivam duxi, si quid eis opponi posset, post alios quidem fateor multos, sed auspiciis tamen nostris,
&

& propria industria freti, peculiari hæc Diatriba complecterer.

Atque hoc primum de illis qui res, res, quasi toti in illarum contemplatione defixi, semper habent in ore, libenter requirerem, ecquid unquam in mentem suspicio illa inciderit, ne fortè quod Ixioni, ut nubem pro Junone imprudens amplecteretur, idem & illis accidat? Nos enim sanè philosophos & ingenio & autoritate præcipuos ita sancire comperimus; Quæ se cunque oculis nostris obijciunt, ea nos, res utique ipsas, cernere vulgò dicimus & credimus; cum tamen haud ipsas res, sed externas tantum species (*εἰδωλα* Græci vocant) & spectra cernamus;

Vide Scallig. *Exercit. de Subtilit.* tum a-bi, tum *Exercit.* 307. 21. ubi inter alia, si-
cut vulpes elusa à Ci-
coniâ lam-
bimus vi-
treum vas;
pultē haud
attingimus.

aut spectrorum potius colo-
res: immo nec colores, ve-
ros & sinceros. τῶν χρωμάτων
ὅθεν ἱστούμεν ἐπιχειρῶντες ὅτι εἰσιν, ἀλλὰ
πάντα κεκαυμένα ἑτέροις: *nullum co-*
lorem purum spectamus, qua-
lis planè est, sed omnes permi-
stos, atque aliis confusos: ita
Philosophus in lectissimo *De*
Coloribus libello; & ratio-
nem suæ sententiæ pluribus
ibi prosequitur. Omnem por-
rò cognitionem mentis à
corporis sensibus oriri, (quæ
Philosophorum non ignobili-
um sententia fuit) si non uni-
versim verum, in plerisque
tamen locum habere, & ea
certissima esse κατὰ φύσιν, in con-
fesso apud omnes est, qui non
sensibus ipsi suis renunciave-
runt. Verba autem, quæ Ari-
stoteli *symbola* rerum; aliis,
imagines

imagines & simulachra; *τύποι*
καὶ μνηματά: illis utique, qui ver-
 ba non ex instituto, (de qui-
 bus alibi fusè videbimus;) sed
 ab ipsâ naturâ rebus indita
 docent. Hæc nos in antecessu
 potiùs ut *ἀπροβολίζοντες* & justo
 certamini proludentes, quàm
 quod firmum in iis causâ no-
 stræ præsidium ponamus.

Cæterùm (ut inde initium
 faciamus) Senecæ, Gellio, Ga-
 leno, & si qui sunt alii, qui
 de verbis idem quod illi sen-
 sisse videantur, promptum ef-
 set Platonis, Aristotelis, alio-
 rumque tum ætate tum au-
 thoritate longè istos ante-
 cedentium iudicia, qui de ver-
 borum necessariâ ad rerum
 cognitionem intelligentiâ
 plena tulere suffragia, illis
 opponere. Sed illa quia vul-

gò nota, ut quæ ab omnibus quide verbis aliquid, laudari solita, non gravatè prætermittimus. Hoc potius observabimus nos, hos ipsos qui de verborum curâ quasi probrosè videntur interdum loqui, verborum curiosissimos interpretes & rimatores extitisse. Certè si quis ex A. Gellio, quæ de verbis in illo sunt eximat, pauca admodum illi relinquat. Sed & in Galeno quàm multa passim de verborum ortu, usu, abusu, proprietate, genere, & id genus aliis? Ut Glossaria ejus omittam, & Hippocraticarum dictionum, quæ supersunt adhuc, interpretationes; quæque solis nunc superant nominibus & titulis; *De Verbis Atticis*; *De Verbis Eupolidis*;

libris; De Verbis Aristophanis; De verbis Cratini; De Comicorum propriis; ingentia volumina. In Seneca quoque non pauca super verbis. In uno De Beneficiis opere, ad verba verborumq; distinctiones confugere non semel cogitur. Sed & ipsa quam proficitur Philosophia Stoica, in iis maximè, quibus illi *equivocis* soliti, quàm saepe non tam in rebus, quàm verbis fundata? qualia ista apud Senecam: *Sapiens non misereatur, quia est sine miseria.* Et eodem libro, *Parcit sapiens, consulit, & corrigit.* Optimè! quid porro? *At idem non ignoscit. Idem tamen facit, ac si ignosceret: quoniam qui ignoscit, fatetur aliquid se quod fieri debuit omisisse.*

Quid hoc, quæso, nisi verba? Non ignoravit hoc Seneca; & verè alicubi ipse sibi objicit; *Hæc sunt quæ authoritatem præceptis vestris detrahunt: Magna promittitis, &c. Ita sublato altè supercilio, in eadem quæ cæteri descenditis, mutatis rerum nominibus.* Objecta conatur diluere; sed qui accuratiùs expenderit, eum conari tantùm (in multis saltem) intelliget. Sed verior illa responsio, quæ Seneca de verbis objicit, ea pleraque non ad hanc de quâ quærimus hîc verborum curam pertinere, sed ad Dialectorum *repêtas* & argutias; ut eum legenti statim apparebit.

Clementem Alexandrinum fortassè, aut Platonem potius apud Clementem *Strom.* I. ob-
jiciat

jiciat aliquis. Ibi enim ex non uno Platonis Dialogo gravissima hæc de verborum cura dicta monitæque: *Κάν φυλάξεις (φασιν ὁ Πλάτωνος ἐν τῷ Πλάτωνα Πολιτικῷ) τὸ σπουδαῖον μὴ ὅπι τοῖς ὀνόμασι, πλεονεξίατερος εἰς γῆρας ἀναφάνησθαι φρονήσεως. Καὶ ἔφη τῷ Θεαίτητῳ εὖρος αὖν πάλιν, Τὸ δὲ εὐχερὲς τῶν ὀνομάτων τε καὶ ῥημάτων, καὶ μὴ δι' ἀκριβείας ἐξελξιμάτων, τὰ μὲν πολλὰ αἰσθητὰ, ἀλλὰ μάλλον τὰ τέτα ἐναντίον, ἀνελεύθερον ἔστιν ὅτε ἀναγκαῖον. Et si caveris, (inquit Pythagoreus in Platonis Politico,) nè sis de nominibus nimium sollicitus, prudentiâ locupletior apparebis in senectute. Et rursus invenies in Theateto; Nominum autem & verborum facilitas, & non nimis accurata examinatio, ut plurimum non est sordida & illiberalis, sed ejus potius contrarium: est autem nonnunquam etiam necessaria.*

Hæc

Hæc igitur Platonis si quis
 hîc objecerit, frustra fuerit.
 non enim ad hanc (ne hæc
 quidem) de qua nos agimus
 hic verborum accuratam cog-
 nitionem, quæ ad rerum cog-
 nitionem ducit, ista perti-
 nent, sed ad eloquentis & e-
 legantis orationis, quam *ἡμετέ-
 ρια* Clemens ibi indigitat, stu-
 dium; ut ex ipsius Clementis
 lectione cuivis liquere pos-
 sit: de quo quidem studio
 multa in utramque partem
 dici possunt, quibus aliàs for-
 tasse suus erit locus propri-
 us; nunc verò prætermitten-
 tur.

Platonis autem famigera-
 tissimum illum *Cratylum*, de
 quo mirum quàm sibi place-
 ant & plaudant quicunque
 ferè verborum patrocini-
 um susceperunt,

fufceperunt, nos hîc confulto
confilio præterimus; confilii
noftri rationem loco magis
opportuno aliàs reddituri.

Sancti Auguftini de verbis
integer extat, qui *De Magi-
ftro* liber infcribitur, fed to-
tus de natura sermonis &
verborum ufu & abufu con-
ftat. Quo verò sanctus ille
vir confilio id opus aggreffus
fit, non erit abs re quærere;
vel eo certè nomine, quod in
toto Auguftino vix aliud ex-
tare putem, cujus tanta fit
obfcuritas & occulta propo-
fiti ratio. Ipfe quidem in *Re-
tractationibus* Auguftinus eum
sibi fuiſſe ſcriptionis iſtius
ſcopum proſitetur, (ut & ex-
tremo libro colligit) ut do-
ceat, *Magiſtrum non eſſe qui
docet hominem ſcientiam, niſi
Deum.*

Cap. 8. Sed
quoniam
tantis am-
bagibus te-
cum per-
venire mo-
liar, &c.

Cap. 10.
Quanto
tamen cir-
cuius, &c.

Deum. Sed neque hoc ipsum
quò tendat quod palam pro-
fitetur, satis manifestum; &
per quas verborum subtilissi-
marumque quæstionum am-
bages & labyrinthos eò per-
veniat, legentibus appare-
bit. Immo verò perplexæ &
involutæ scriptionis conscien-
tiam parens ipse non uno lo-
co prodit. Cæterum quisquis
animū in rē intendet ipsam,
id Augustino propositum faif-
se fac. lè perſpiciet, ut quæ de
sermonis & orationis inter
homines usu (qualia in anti-
quorum scriptis haud pauca
hodièque reperire est:) mag-
nificè vulgò jactabantur, ea
convelleret & elevaret o-
mnia. Hoc ipse clarè satis
agnoscit tum capite XIII. ubi
post iniquiora quædā contra
verba,

verba, non ex ipsorum naturâ aut culpâ verborum, sed audientium vitio, allegata; ipse se reprimat his verbis: *Sed hæc omittamus, nè calumniam verbis de audiendi negligentia, vel etiam de surditate hominum videamur commovere*: tum verò Cap. xiiii. apertius, ubi suscepti operis invidiam deprecatur his verbis; *sed de tota utilitate verborum quæ si benè consideratur non parva est, aliàs, si deus siverit, requiremus. Nunc autem ne plus eis quam oportet tribueremus, &c.* quæ quorsum, quæso, nisi contra verba hoc quicquid operis ab illo susceptum esset? Cùm autem inter præcipua quibus hominem benignus conditor ornavit & instruxit non postremum

stremum locum, (ut & Ethnici plures agnoverunt) sibi sermo vindicet ; nihil minus Augustinum, virum sanctum & pium, quàm obrectare dei dona voluisse, certissimum est ; sed an tam cauto consilio, quàm pio animo sit ea scriptio instituta, non aequè facilè dixerim. Certè, eo maximè tempore, ut & superioribus aliquot sæculis, hominum genus latè per orbem pervasisse, qui inani verborum scientiâ tumentes, alios quoscunque despicerent, & nudæ veritatis simplicitati proterviùs illuderent ; ex multis qui per ea tēpora scripsere, licet colligere : de quibus A. Gellium, Latinum ; & Sextum Empiricum, Græcum scriptorem, nominasse sufficiat. Et apud
illum

Eth:

) sibi
 inus
 tum
 e dei
 num
 onfi-
 t ea
 equè
 max-
 iori-
 num
 rva-
 sci-
 uos-
 udæ
 ter-
 qui
 icet
 Gel-
 em-
 em,
 ond
 am

illum quidem, crebra ac festi-
 va de Grammaticis narratio-
 nes, ut in nullo argumento
 festivior aut acrior Gellius :
 ex quo præterea & illud di-
 scamus, familiarem *Magistri*
 compellationem, aut in fami-
 liari potius compellatione
 solennem *Magistri* titulum,
 si non Grammaticis unis pro-
 prium, iisdem tamen præci-
 puâ quâdam ratione compe-
 tiisse & ab iis admissum liben-
 tissimè. Sexti autem Empi-
 rici verba, quia non adeò no-
 tus author, (quanquam dig-
 nus qui nocturna diurna que
 manu ab antiquæ literaturæ
 studiosis versetur:) & ad rem
 quam volumus appositissima,
 hic apponemus. Ait igitur il-
 le ; *Διὰ πολλὰ μὲν καὶ ἀλλὰ δίκαιον ἐστὶ*
μετὰ σπουδῆς ἐξετάζειν τὴν γραμματικὴν

τεχνολογίαν· μάλιτα δὲ ἀπάντων διὰ τὴν
ἐπ' αὐτῇ κομῶν καὶ μῆτα φρονεῖν τὰς γραμ-
ματικὰς· αἰεὶ δὲ τῶν καὶ τὰ λοιπὰ κοσ-
μεμένων μαθήματα καταρτίζειν, &c.

*Propter multa quidem alia
est diligenter examinandum
Grammaticæ artificium; max-
imè autem, quòd de eo sibi pla-
ceant & se magnificè jaçtent
Grammatici; eos autem sem-
per insectantur qui sunt aliis
ornati disciplinis, &c. Quod
igitur antea Platoni in Cra-
tylo (de quo Dialogo quàm
longè alia censeamus, quàm
vulgò solent plerique, alibi
dicturi sumus) propositum,
id & Augustino, ni fallor, hîc,
ut isti hominum generi oc-
curreret, & insultandi glori-
andique materiam detrahe-
ret.*

Hunc Augustini librum le-
cturo

Aureo multum proderit Epi-
 logum sive *ἀναμνηστικόν* ante-
 dictorum, quæ in caput septi-
 mum ab ipso congesta est, di-
 ligenter expendere : quæ ta-
 men & ipsa quia paulò con-
 fusior & obscurior est, præsti-
 terit fortasse ab istis quæ
 cap. 10. occurrunt, *Quanto*
tandem circuitu res tantilla
peracta sit, &c. ubi paucis ver-
 bis summam scopumque libri
 complectitur, incipere. Nobis
 sufficiat tantum hic de eo
 dixisse. Si quid enim minùs
 cautum, aut censoriâ virgula
 dignum ; id tanti viri sancti-
 tati pioque proposito condo-
 nari æquum est. Erit etiam in
 alterâ, *De ortu & naturâ ser-*
monis, Diatriba, huic argumē-
 to qui tractatur illic ab Au-
 gustino, locus opportunior.

His

His quæ nobis obstare præcipuè, aut ab aliis objici posse videbantur, ita delibatis ac depulsis; nostra de verbis hæc est sententia: Accuratam verborum cognitionem non Philologis solum & humaniores literas professis esse necessariam; sed in omnibus & singulis scientiis artibusque percipiendis adeò locum habere, ut in singulis ex illorum ignorantia gravissimi interdum & perniciosissimi oriuntur errores: in vitâ verò (quod præcipuum) communibusque civilibus & politicis tanti esse momenti, ut maximarum in utramque partem momenta rerum ex illorum pravo rectove pendeant usu & intellectu.

Priusquam autem ad particulares

ticulares scientias accedimus,
aliquid prius, quod ad omnes
æquè scientias pertineat præ-
mittemus.

Quis ex omnibus ubivis
gentium ethnicis proprii fœ-
tus ingenii, qui alteri sæculo
prodesse, chartæ, quasi ter-
ræ, *διὰ καρδίας, ὡς ὕδατος μέτρας* (ut
alicubi Plato loquitur) pri-
mus mandaverit, sive ille A-
naxagoras, sive Pherecydes,
(nam de Pisistrato qui affir-
mant ex A. Gellio, malè men-
tem illius ceperunt:) sive
quis alius, non est hujus loci
querere. Ubi primum cœpit
literarum usus, ibi libros (li-
bros inquam, *συγγραμματα*, solu-
tâ scilicet oratione scripta:
nam poematum alia ratio:)
scribi cœpisse, rationi maxi-
mè consentaneum videtur ut
credamus.

credamus. Literas autem quis Græcos primus docuerit, apud omnes in confesso est. At *literas Assyrias semper fuisse* non vanis adductus conjecturis etiam Plinius in *Naturali sua Historia* author est; quod Josephus in libris contra *Ap- pionem* pluribus adstruit & prosequitur. Sed quicumque primus (non enim id nunc agimus :) statuatur; quod ab antiquis non Philosophis tantum, sed & Historicis aliisque passim inculcatur, ὅτι ἀνθρώπων ἀγαθὸν ἐγὼ δὲ καὶ πονηρὸν ἀνθρώπων ἀντιπαρὶστήτω, unicuique humanorum bonorum fraudem ac fallaciam in propinquo esse positam; adeò universam verum, ut hîc quoque locum habuerit. Non enim priùs extitere qui de posteris benè mereri scribendo

do conati sunt, quàm statim
 exorti sunt, tum qui ab aliis
 scripta incrustare & pro suo
 arbitrio interpolare aude-
 rent; tum verò qui à se con-
 fecta, captatâ vel antiquitatis,
 vel magni alicujus nominis
 authoritate, aliis inscribe-
 rent: quâ fingendi & refin-
 gendi licentiâ quantum labis
 in humanum genus redunda-
 rit, vix quisquam cogitando,
 nisi qui sit in hoc eruditionis
 genere benè versatus, asse-
 quatur. Queritur vir gravis-
 simus, idemque philosophus
 inter paucos sapientissimus,
 in sua *Republica* Plato, fuisse
 suo tempore genus hominum
 (agyrtas, infami nullo non
 sæculo nomine, vocat ipse:)
 qui non privatas opulento-
 rum domos tantùm, sed &
 urbes,

urbes, hominum frequentiam
 celebres, errando obirent, li-
 brorum *ὄμολοι* (*fascēs* alicubi
 Gellius interpretatur) cir-
 cumferentes, qui celeberrima
 Musæi & Orphei (*Σαλόντιος* &
Μουσῶν ἐμύθησαν) nomina præfere-
 bant. Ingens ad legendum
 illecebra, tam splendida no-
 mina: sed plerisque, (*τῇ γαστρί*
μετρησὶ καὶ τοῖς αἰσθήσεσι τῇ ἐνδοκίμῳ,)
 longè major, librorum argu-
 mentum. Eò enim spectabant
 illi libri, ut si quis propudiosa
 vitæ sibi conscius, aut aliquo
 alio qualicunque scelere se
 impiasset, ultoresque deos vel
 vivens, vel certè post mor-
 tem perhorresceret, certarum
 (& quidem, si fides impo-
 storibus, certissimarum) expia-
 tionum formulas docerent,
 quibus offensa numina plac-
 rentur.

rentur. Artem scilicet (quâ
nulla hominum vulgo ars ac-
ceptior :) impunè peccandi
tradebant. Nè longum faci-
am ; Ut nulla tempora sup-
posititiorum id genus scripto-
rum feraciora fuisse, quàm
quæ ortum Evangelii proxi-
mè consecuta sunt, vel cele-
bris illa Gelasii Papæ pro-
scriptio (si fas ita loqui) fi-
dem faciat : ita nulla unquam
tēpora meliùs doceant quàm
perniciosa sit ista licentia, si
quis hæreses haud paucas inde
enatas,offensiones infidelium,
dissidia, contentiones, super-
stitiones, & cætera mala co-
gitet, quæ ab hoc (non uno
quidem fateor, sed & hoc,
inter alios, haud obscuro)
fonte promanasse certum est.

C

Hæc

Hæc autem quorsum ? Adulterinos & supposititios utiq; dignoscendi libros ratio non una : sed istâ (modò qui verè doctus & pari judicio præditus rem aggrediatur :) nulla certior, cùm non stylus in genere tantùm, sed verba & voces expenduntur singulæ, quàm tali scriptori, (si alia ejus opera non suspecta extent ;) quàm sæculo & loco, quæ titulus profitetur, conveniant. Sunt enim non hominum tantum, sed temporum locorumque certi quidam idiotismi ; sunt verba propria ; quæ qui in legendis veteribus diligenter observavit, non facile sibi imponi patietur : ut exempli causâ verbum *ens*, *essentia*, *reatus*, *munerarius* ;

&

& id genus haud pauca qui primi usurparint, notatum Quintiliano aliisque. Multa quidem cautione contra impostorum in imitando solertiam, multa circumspectione opus esse non diffiteor: nec facile illis veteribus assentior, qui ex uno aliquo (ut olim nescio quis apud A. Gellium de Plantinis fabulis; & Galenus alicubi de libro Hippocrati adscripto) verbo, de integro libro pronuntiari certò posse censent. Non eruditione tantum, quod modò dicebamus, sed & iudicio planè singulari opus est. His instructus qui ad iudicandum accesserit, vix dici potest quantum in verbis ad verum then- dum praesidii inventurus sit.

Hâc præcipuâ ratione, & his potissimùm præfidiis instructus, b.m. parens Isaacus Casaubonus spurium illum *Mercurium Trismegistum*, qui per tot sæcula orbi illudit, & multorum ingenia futilissimis speculationibus occupavit, nonnullorum etiam depravavit; larvam detraxit, & impostorem certissimis indiciis deprehensum, omnibus, quibus ad claram lucem oculos claudere fixum non est, videndum exposuit.

Hæc de verbis in genere. Ad præcipuas, aut quarum saltem præcipuus nunc est usus, scientias accedamus; summa rerum, quæ nostra cumprimis animadversione dignæ mihi visæ sunt, capita delibaturi,

delibaturi: plenior earum tractatio iusto, si forte, operi reservabitur; aut aliis certè, ab otio & ingenio paratioribus relinquetur.

A THEOLOGIA (quam Galenus, Aristotelem secutus, πολὺ μᾶλλον καὶ πμιάτερον ἀρχήμα, omni humana re aut scientia, dignitate & sublimitate longè potiore, meritò sciscit) foeliciter auspicabimur. Theologiam autem cum dicimus, veram intelligimus & solidam, id est Christianam. Ethnicam enim quod attinet ad Theologiam, sive Mythologiam potius, (quæ tamen eruditionis Philologicæ pars jucundissima, sed & utilissima,) si id nunc ageremus, nihil factu facilius, quàm to-

C 3

tam

Galenus
De Usu
part. lib.
ult.
Arist. De
Partib. A-
nimal. l. 1.
c. 5.

tam illam, aut certè maximam illius partem, ex verbis aut non intellectis, aut calidè obtrusis repetere. Observatum non uni, sed uni præceteris undiquaq; doctissimo & in hoc argumento accuratissimo, D. Seldeno, in laudatissimo *De Diis Syris* Opere; vetera pleraq; Gentilium numina (quorum tamen in cultu, bone Deus! quàm seria, quàm fervida generis humani pars multò maxima!) mera fuisse nomina: ex nominibus inquam & verbis, errore aut superstitione colentium, facta numina. Quò etiam pertinet quod Dio Chrysostomus, aut apud eum Diogenes, de Dæmonibus & Geniis per rhetoricam *συμφοροποιῶν* efficitis, postea

stea pro veris numinibus cultis & adoratis. Par & Stoicorum & ex simili origine stupor, qui virtutes animalia credidere. Nec excusandus, vir alioquin sapientissimus, celeberrimus ille Maimonides, qui in *Doctore perplexorum*, ex illis verbis Davidis, *Cœli enarrant gloriã Dei, &c. Non est sermo, neque verba ipsis, &c.* Aristotelis de cœlis animatis opinionem confirmare nititur.

Sed his omissis; Nostræ Theologiæ pars jam olim hodieq; non pœnitenda, (non minima, volui dicere) rixæ & contentiones. Harum autem, si quis positis affectibus res ipsas attentè consideret, pars haud exigua quid aliud quàm

Aretius λογισμαίαι ? *sentit idem Aristoteles*
Felinus, alius, Martinus Bucerus, vir doctiss. in Plal. i. v. 6. *quod Xenocrates, quod Aristoteles ; loquitur alio modo. Ex hac autem non rerum, sed verborum discordiâ, controversia nata est, &c. Ita olim Cicero de quibusdam sui temporis controversiis, quæ magnâ contententium utrinque animositate agitabantur. Nec multò aliter Seneca ; Primum deposita contentione, depositoque odio, quod implacabile diversa sequentibus indiximus, videamus an hæc omnia ad idem sub alio titulo perveniant. Quod igitur olim Plato ; Verba, res levis ; sed ex*
Sui simile verum est à quocunq; dicatur ; & latet sæpe sententia eadem sub verbis in speciem diversis. Vsu kompertum habeo præcipuas tam apud priscos, quàm recentes
diffensiones tantum in verbis, non in re sitas ; quibus tamen interim cælum terræ, & terra cælo miscetur. Edit. Argentor. a. d. 1532.

levi initio non leves inimicitiae;

(πρῶτον μὲν ἐκ λόγων, καὶ παρὰ μαλ' αὖτε,

ἔπειτα καὶ μίσθῃ καὶ ἔχθρῃ βαρύνεσθαι γίνονται.)

quis non hic agnoscit usu venisse?

Scholastica quæ vocatur Theologia, Grammaticis, ut in verbis occupatis plerumq; infestissima, si quis eam propius inspiciat, quàm tota sæpe sit in verbis, nisi qui longâ consuetudine penitus occalluit, agnoscet. Extant in eam rem non nostrorum tantum, sed & illorum qui in causa religionis alia sentiunt, quærelæ satis liberæ, & notæ; ut verbo rem tetigisse sufficiat.

Ad ipsos sinceræ omnis Theologiæ fontes nunc veniamus, ταῖς διακρίσεις γραφάς.

Quot verba, aiunt, tot mysteria. Ita passim veteres:

C 5 inter.

inter alios eleganter Chryso-
 stomus; Καθάπερ ὅτι τῷ αἰσθητῷ δι-
 πτυρῇ εἴη μικρόν τι ψῆμα λαβεῖν τις
 δύνηται, πολλὸν ἑαυτοῦ τ' ἀλλόττον ἐρῶσαί.
 οὐταί κ' ὅτι τῆς δεικτικῆς γραφῆς κ' ἐν ἐραχέει
 λέξι πολλὴν ἐστὶν εὐρεῖν τ' νοημάτων τὴν
 δύναμιν κ' ἀφάτον τ' ἀλλόττον. Hoc qui-
 dem verissimum agnoscimus
 nos, & ultra addimus, utcun-
 que in eruendis his mysterio-
 rum thesauris, tot hominum,
 imò tot ætatum defudaverit
 industria; infinita tamen ad-
 huc superesse, quæ doctissimo-
 rum exerceant ingenia, & vel
 avidissimæ vetera fastidien-
 tium cupiditati possint abun-
 dè satisfacere. Sed, proh
 dolor! dum verborum igna-
 ri, aut certè incuriosi, osten-
 tando ingenio, aut proposito
 suo inservientes, in singulis
 sacra Scripturæ verbis qua-
 runt

runt myſteria ; quàm ſæpe accidit, ut doctrina cœleſtis in meram vertatur *ματαιολογίαν* & *λεπτολογίαν* ; & res ſacræ, tractantium imperitiâ, peritiorum (ni pietas contineat,) ludibrio exponantur ; aut ipſi certè vel modetiſſimis, ſive lectoribus, ſive auditoribus, ludibrium debeant ? Non novum hoc, fateor, malum ; ſed nunc tamen eò magis pudendum, quò nobis ad verborum cognitionem, longè majora in mundo præſidia, quàm veteribus. Sed vereor nè hic quoq; in loco minùs jucundo verſer.

Jam ſi quis hæreticis contrà ire voluerit, quàm neceſſaria ſit accurata verborum cognitio, vel unus Socinus exemplo ſit ; adeò ſubtilis verborum.

verborum rimator, ut frustra sit futurus quisquis ex ejus laqueis expedire se, aut alios irretitos liberare voluerit, nisi pari subtilitate instructus in arenam descenderit. Agnoscent hoc qui scripta ab illo vel per transennam inspexerunt. De verbis *quorundam*, *quorundam*; de, *natura, substantiâ, subsistentia*, & similibus, quàm turbatum olim in Ecclesia, quantoque populorum motu; (gravissima quidem in re, sed interdum tamen non adeò gravi de causâ, cum neque qui eadem sentirent, eadem semper loquerentur; neque qui in verbis conveniebant, in re semper consentirent;) testes illorum temporû scriptores, & ex illis recentiores, qui res tractarunt Ecclesiasticas.

Sed

Sed præstiterit fortasse uno aliquo de multis insigniori exemplo, quàm necessaria sit accurata verborum cognitio ad sacræ scripturæ explicationem, confirmare.

Sancti Pauli ad Philippenses scribentis hæc de salutis auctore Christo verba sunt : Ad Philip.
c. II. v. 6,
7. &c.

Τὸτο γὰρ φρονέσθε ἐν ὑμῖν ὃ καὶ ἐν Χριστῷ
Ἰησοῦ. "Ὁς ἐν μορφῇ θεῷ ὑπάρχων, ἐχ'
αἰρωμένων ἡγήσατο τὸ εἶναι ὡς θεός. Αὐτ'
ἐαυτὸν ἐκένωσε, μέρην δούλου λαβὼν ἐν ὁ-
μοιωμάτι ἀνθρώπων γινόμενος. *Vulga-*
tus interpres, ita vertit ; *Hoc*
enim sentite in vobis, quod &
in Christo Iesu, qui cum in
formâ Dei esset, non rapinam
arbitratus est, esse se aequalem
Deo, sed semetipsum exina-
nivit, formam servi accipiens,
in similitudinem hominum fa-
ctus. Recentiores autem, ali-
quanto

quanto clariùs, sed in eandem sententiam : *Itaque is sit affectus in vobis qui fuit in Christo Iesu : Qui cum esset in forma Dei non duxit rapinam parem esse cum Deo : Sed ipse se exinanivit forma servi assumpta, similis hominibus factus.*

Ex obscurissimis sacræ scripturæ locis hic meritò locus censeatur ; quod qui ex ipso verborum contextu (linguæ fortasse Græcæ ignari) minùs ; certè ex diversis interpretum commentationibus facilè intelligant. Vix alius in disceptationibus cum Photinianis, imò & Lutheranis, nobilior, aut magis decantatus locus. Longum esset omnia colligere, & cuivis in promptu libri. Becmannus
nuper

nuper vir doctus, in Theologicis Exercitationibus haud pauca congeffit. Receptissima vulgo est illorum sententia, qui verba ista, in quibus maxima difficultas, ἀπεριστέον ἐκ ἡλικίας; in hunc exponunt sensum: *Christus cum esset in aeterna illa (Bezæ sunt verba) deitatis gloria constitutus, non ignoravit se in eare (id est, quod D. Patri coequalis esset,) nullam injuriam cuiquam facere, sed suo jure uti: nihilo minus tamen quasi suo jure cessit, cum ipse se velut in nihilum redigeret, formâ servi acceptâ, &c.* Optima certè, si per se spectetur, sententia, & veritati tam consona, quàm quæ maximè: sed quæ syntaxi verborum parum congruat, ne dicam planè repugnet; ut
 alia

alia omittam contra hanc interpretationem, quæ apud Erasmodum magni iudicii virum, legant, quibus animus & otium. Nec sanè veteres, Græci præcipuè, eò redacti fuissent, ut tam mira cōminiscerentur in hunc locum, si verba ipsa, verborumque contextus hanc interpretationē ferrēt. Qualis hæc Chrysostomi interpretatio :

Chrysost.
tomo VI.
λόγος ο.

Τί ἐστιν, Ὁυχ ἀρπαδμὴν
ἠγάσαστο, &c. ὁ ἀρπάσας πὶ μὴ πωροση-
κόντων, κατέχῃ τὸ το διηγεκῶς, καὶ δοποθέσται
ἐκ αὐτῶν ἐλοιτο, δίδωκεως, καὶ θαρρεῖν ἐκ ἔχων
ἐπὶ τῆς κτήσεως. ὁ δὲ ἀναφάριτον ἔχων
ἀγαθόν, καὶν δοποκρύπτῃ τὸ το, καὶ δίδωκεν.

Omitto cætera, quæ ab illo tum hîc, tum Commentariis in Epist. benè multa afferuntur, quibus hanc confirmet expositionem.

Alii igitur ut contextui
melius

melius consulerent, hanc interpretationem commenti sunt. *Non rapuit equalitatem dei. i. e. non est usus suâ potentiâ contra vocationem; non exercuit suas vires, sed semetipsum humiliavit, & exinanivit, formam servi accipiens, &c.* Ut τὸ ἀπαλμὸν ἔχῃ ἡσάτο perinde sit ac si dixisset Apostolus, ἔχῃ ἡπάσάτο; ut in Epistola ad Hebræos, κοινὸν ἡγοσάμεν, pro κοινώσας, vel κοινωσάμεν. Et hanc quidem interpretationem verbis ipsis si cohærentia cum sequentibus spectetur, aptiorem, quàm priorem, nemo linguæ Græcæ peritus inficias iverit. Sed interim quo dici possit exemplo *rapere*, qui quod suum est sibi sumit, in dubium si quis revocet, quid responderi possit,

sic, ego non video. Non nova est hæc interpretatio, jam olim notata à Chrysostomo, & ab ipso explosa. Dices de Christo, ut Deo, non ista voluisse Paulum. Hoc equidem veliat Arriani, & magno mercentur quicumque ab illis, ut sibi concederetur. Agnoscit Erasmus his verbis Apostoli, ut præcipuâ quadam clavâ, veteres contra Arrianos pugnassee. Quam tamen ipse repudiat, ne vim S. Scripturæ quanquam in bona causâ, inferre cogatur.

Quid igitur nos? hoc utique: duarum istarum vocularum ἀπαρτῆς & ἐνείκας non satis animadversam vim, tantas huic loco tenebras offudisse. Ἀπαρτῆς vel ἀπαρτῆς (nam eadem esse nemo dubitat) haud

haud rarò Græcis pro præda
aut spoliis quæ parta victoria
aut expugnata urbe victori-
bus cedunt. Vel unicus Po-
lybii locus id abundè doceat.
Polybius igitur Historiæ suæ
libro x. ubi de direpta Car-
thagine, & ea occasione de
more tractat (in quo expo-
nendo multus est) in divi-
dendis spoliis à Romanis ob-
servari solito, tribus diversis
ad unam eandemque rem,
prædam scilicet, exprimen-
dam verbis utitur. Verba illa,
ὠφέλεια, ἀρπαγή, λάφυρον. Exempli
causa; cùm paulò ante dixis-
set, μηδὲ πρὸς τὰς ὠφελείας ἀρμῶν, &c.
paucis post lineis idem extu-
tulit, ἀρμῶν δὲ πρὸς τὰς ἀρπα-
γὰς, &c. Spoliorum autem vel
prædæ commemoratione in-
solitam quamvis exultationē

παροίμιακός

παρρησιασμός ab Hebræis exprimi solitam, non pauca veteris Testamenti loca, quæ dubitanti fidem faciant.

Isaïæ c. ix. v. 3. *Latabuntur coram te, sicut qui letantur in messe, sicut exultant (victores sc:) quando dividunt spolia.*

Ejusdem, cap. liii. v. 12. *Idcirco partem dabo ei pro multis (vel ut alii melius, dabo ei partem eximiam:) ut cum robustis partiatur prædam (quod alii, ubi inter præliatores spolia dividuntur:) pro eo quod profundit in mortem seipsum, &c.*

Psalmo cxix. v. 162. *Letabor ego super eloquia tua, sicut qui invenit spolia multa.*
 Prov. xvi. 19. *Melius est humiliari cum mitibus, quam di-*
videre

videre spolia cum superbis.

Huc etiam faciunt haud dubiè & ista, etsi longe aliter à multis exposita, Psal. 76. v. 4. נָחוּר אַחַה אֲדִיר מִהָהָר תִּרָּף. *Illustris tu, magnificus, præ montibus prada. quod optimè vulgata nostra Anglicana, Thou art more glorious and excellent than the mountains of prey.*

Eodem quoque Jer. xlv. 5. & multis aliis locis לְשַׁלֵּל נַפְשׁ pertinere quis dubitet? Ait ibi propheta, aut per prophetam Deus potius, וְנָתַתִּי לְךָ אֶת נַפְשְׁךָ לְשַׁלֵּל. *Dabo tibi animam tuam pro spolio in omnibus locis quò abiturus es. Quorum verborum summa est elegantia, & emphasis mira. Intercedente enim apud Deum pro Barachia*

chia suo propheta Jeremiâ,
 (quid autem sibi de tam gra-
 tioso apud omnipotentem
 dominum parario non pro-
 mitteret ille?) responder
 Deus, quanquam temporis u-
 niversim (ex irrevocabili jam
 sententiâ:) tristissimi ratio
 non ferat, ut alia Barachiz
 concedat; se tamen vitam
 illi propriam largiturum, quæ
 in tantis periculis, in tantâ
 perdentium ac pereuntium
 undique multitudine, in non
 minorem cessura sit ipsi læti-
 tiam & exultationem, quàm
 si de victis hostibus spolia
 ampla reportasset. Græci in-
 terpretes elegantissimè, *ἐν τῷ*
ἀντιπαρῶντι. Ita enim non Xeno-
 phon tantum, sed Thucydides
 & alii nonnulli *τὸ ἀντιπαρῶντι* usur-
 pant, pro eo quod magis
 vulgare,

vulgare, τὸ ἑμπροσθεν, aliis.

Ad vocem autem ἡρώδης
quod attinet ; ut Apostolus
hic, τὸ ἀπαυλῶν ἡρώδης, planè
similiter & Cicero suum illud,
ostentationem putare ; ut cum
dicit : Quotus enim quisque
Philosophorum invenitur, qui
sit ita moratus, ita animo ac
vita constitutus, ut ratio postu-
lat ; qui disciplinam suam non
ostentationem scientiæ, sed le-
gem vitæ putet : qui obtem-
peret ipse sibi, & decretis suis
pareat ? Verbi autem ἡρώδης
cum diversis aliis substantivis
eâ notione conjuncti, varia
passim apud varios exempla.
Dionysius Halicarnassæus An-
tiquit. Roman. libro III. ubi
de Romuli morte disserit, va-
riisque pro ejusque affectu
super ea opinionibus : οἱ δὲ

Cicero II.
Tuscul.
haud pro-
cul ab ini-
tio.

ἡρώδης

χρηματισμὸν (inquit :) ἡγόμενοι ἃ
 πηλεμον, καὶ μεγάλων ὑποσερεῖσθαι νομίζοντες
 ὠφελῶν, εἰς ὀπλιτῶν καὶ φθόνον ἀνθρώπων τὸ
 ἔργον μετέφρον. &c. Vertit inter-
 pres, *Alii qui questus gratia*
geri bella judicabant, seque
magnis privari commodis exi-
stimabant, humanis dolis & in-
vidia imputabant totum nego-
tium, &c. Simplicius erat
 cum Cicerone dicere, *Qui*
verò bellum questum puta-
bant, & se magnis commodis
(ὠφελῶν, ex prædatione scilicet
& spoliis, ut modò in Polybii
loco vidimus :) privari repu-
tabant.

Idem schema loquendi,
 quamvis non idem verbum,
 I. Tim. I. 6. Παρεδιατρίβει διαφθα-
 ρμὴν ἀνθρώπων νομιζόντων κομισμὸν τῆς
 ἐκείνων : Ubi contra proprie-
 tatem Græci sermonis ita
 vertunt

vertunt quidam, ut τὴν ἐνδεχάαν
quod subjectum est, (ut cum
Dialecticis loquamur) ipsi
prædicatum faciant. Non o-
vum ovo similis, quàm est i-
sta phrasis Paulina Dionysianæ
phrasi; articuli in utroque
idem situs, eadem vis. Sunt
autem qui τὸ ποιησάδαι, pro
ἐκποιησάδαι eodem sensu usurpent.
Ita Gregorius Nyssenus con-
tra Eunomium libro primo,
Ὁ τὸ ἀποσείων ἀπορμὴν τὴν τοῦ δόξου-
ντος ἀποστασίαν ποιοῦμεν. Vertit
Gretserus: *Qui doctrinae suae
professionem pro quaestu ha-*
buit.

Porro quod Cicero, ut mo-
dò videbamus, enunciavit,
qui disciplinam suam non o-
stentationem scientiae, sed le-
gem vitae putet, &c. id Cor-
nelius Nepos in *Vita Attici*
D sic

sic expressit : Nam & principum philosophorum ita precepta habuerat precepta , ut his ad vitam agendam, non ad ostentationem uteretur.

Hoc igitur dicit Apostolus : Christum hominem verum, cum verus esset idem deus, non cum tamen affectibus humanis indulgisse, ut divinitatem, vel *deitatem suam spoliū*, (i. e. ostentationis & exultationis materiam :) putaret : vel, ut cum Cornelio Nepote loquamur ; Christum hominem, cum in terris ageret, non duxisse sibi faciendū, ut *numine suo ad ostentationē uteretur* ; sed contra, exanitionis statum prætulisse, &c. Maluit autē fortasse Apostolus τὸ ἴδιον Ἰσὺν θεῶν, quàm τὸ θεῶν ἴδιον dicere, quia in illis verbis major

jor quædam videtur ostentationis esse significatio.

Non puto cuiquam scrupulum jam superesse ullum de vero & germano sensu horum verborum ; cum præterea liceat observare, ipsum verborum contextum & tenorem tantum per se potuisse, ut hanc interpretationem quibusdam vel invitis, ut ita dicam ; nullis alioqui certè quibuseam tuerentur aut lectori probarent argumentis suffultis, extorqueret. Cornelius à Lapide vir doctissimus & diligentissimus, post commemoratas priores interpretationes, quas tres ille (ego duas tantum, quæ aliquid differunt, animadverto :) numero constituit ; hæc addit :

D 2

” Nota.

» Nota. Rapina hæc, est
» arrogantia, vel arrogantia
» effectus. Rapere enim al-
» terius gloriam, est eam sibi
» arrogare. Ita Augustinus
» ubi suprâ. Secundò, ut
» Chrysostomus & Vatablus
» per metalepsin rapere sig-
» nificat rem aliquam per-
» inde ac si rapta esset, stu-
» diosè & contentiosè reti-
» nere. q. d. Christus non ra-
» puit, non ambivit, ut Lu-
» cifer Is. xiv. 13. æqualita-
» tem dei, nec ut raptores
» solent raptum (dum male
» sibi conscii metuunt ne il-
» lud amittant :) studiosè
» servavit, & ambitiosè de-
» fendit, sed potius spontè,
» quasi legitimus dominus
» deposuit i. e. celavit, seque
» exinanivit, &c. Hoc enim
» » exigit

» exigit particula adversati-
 » va, *sed*, quæ sequitur cum
 » ait, *sed semetipsum exinanivi*. Alioquin non tam
 » adversativa erit, quàm ex-
 » plicativa, capieturque im-
 » propriè, *sed*, pro, *verum-*
 » *tamen*. Hactenus ille.

Joannes Camero ὁ μακαρίτης,
 vir eruditissimus, & in solven-
 dis τοῖς δόξοις sacra scriptura &
 obscuris elucidandis plerunq;
 solertissimus & acutissimus,
 hoc ipsum quod nos hic, du-
 dum vidit, & clarissimè ex-
 pressit, his verbis :

» Vers. 6. ἐχ' ἀπταλμὸν ἡγῆ-
 » σαι, &c. Phrasis est sumpta
 » ab eo quod tum fieri sole-
 » bat : Victores nempe ho-
 » stium spolia detracta atque
 » erepta in trophæum erige-
 » bant. Itaque optimè ista

» sic Gallicè veritas ; *Il ne fit*
» *point de triumphe (ou, tri-*
» *phée) de ce qu' il estoit égal*
» *à Dieu. h. e. non jactavit,*
» *non visus est gloriari & in-*
» *solescere. Hortatur nempe*
» *fideles Apostolus ad humi-*
» *litatem, argumento ab ex-*
» *emplo Christi ducto, qui*
» *cum Deus esset, non ut*
» *Deum sese gessit, non id*
» *palam patefecit, ab osten-*
» *tatione & gloria alienus,*
» *sed servi formam assump-*
» *fit.*

Non igitur nova est hac interpretatio, nec eam mihi vindico ; quanquam qui idoneis aut ullis omnino argumentis eam fulciret & adstrueret, hætenus, quod sciam, nemo fuerit.

Ad Syriacam horum verborum

borum versionem quod attinet, ut planè non ausim præstare verba Apostoli ut à nobis exposita sunt, ab illo interprete accepta esse; ita nihil video, cur ita rem habere verisimile non sit. Verba enim **הוּא** & **כִּי** quibus ille utitur, in hanc sententiam non incommoda; quorum, posterioris præcipuè, in sacra scriptura exempla quarentibus erunt obvia. Cæterum, Syriaca hæc, quæ vertens Tremelius, vir alioqui doctissimus, ad receptam, (more nimis recepto:) vulgò sententiam detorserat; Junius in Notis veriùs & simplicius expressit; *Non fuit rapinam æstimans illud, quòd esset æqualis Deo; sed animam suam exinanivit, &c.*

DUDUM est, cùm hæc scripta, & typographo tradita. Interim dum ego domo absum, & ille reditum meum, quò emendatiora prodirent, quæ tradita fuerunt, expectat; quod alicubi Poceta, Differ, habent parvæ commoda magna moræ; id hic usu mihi, (Lectori quoq; non incommodè fortasse) venisse spero. Ita enim certè contigit, ut interim Viri summi, Hugonis Grotii, *Annotationum in N. T. tomus secundus* insperatò se mihi conspiciendum potiendumq; præberet. Quanquam erant alia passim, ut in Opere tam eximio, quæ oculos meos volventis allicerent, ad hunc tamen Apostoli ad *Philippenses* locum, qui, ut insignis præter alios & maxi-
mi

mi momenti locus, menti meæ præcipuè tum obversabatur, quàm potui, properavi. Quod ipso vivente præ me tuli semper, id jam de vitâ functo profiteri palam non pigebit, eum esse me, qui scripta Gro-
tii peculiari quadam, ob admirationem judicii & ingenii, (quæ summa in illo, si quid ego judico ; præter inaffectedam purissimi styli simplicitatem, fuerunt,) veneratione profecutus sum. Nutationes ejus & fluctuationes in religionis negotio non excuso : quanquam illum alioquin de re & Veritate Christianâ adeò benè meritum censeam, ut si quid illi secus acciderit aut exciderit, id commodâ potius, quoad ejus fieri possit, interpretatione leniri de-

D 5. beat.

beat ab iis quibus pietas cordi est, quàm summi rigore juris exaggerari. Caterum, nullius unquam (qui non afflatus cœlitus) mortalis hominis autoritas apud me tanti; nullius admiratio tantum potuit, ut ab illo dissentire, si probabilis ratio suaderet, religioni esset. Lectis igitur quæ Vir summus & incomparabilis in hunc locum scripsit, cùm graves in re gravissimâ dissentiendi causas habere me persuasum haberem, eas hîc pro debito promovendæ tuendæque Veritatis studio, exponere, & æquo Lectori perpendendas proponere visum est.

Non jam de sensu verborum illorum, ἀρταμὸν ἡγήσασθαι, (de quibus hætenus,) agemus

mus tantum, quæ non multò aliter, (quanquam aliis innixus fundamentis) interpretatur & ipse Grotius, quàm ut nos debuisse contendimus; sed de scopo totaque integræ illius pericopæ sententiâ, quâ de Christi ex alto fastigio ad postremam fere humilitatem *Exinanitione* tractat Apostolus.

Primò igitur, quò Lectori sit facilius iudicium; sed cò præcipuè, ne forte aliquam summo viro in sententiâ ejus exponendâ vel imprudenter injuriam faciamus, integra ipsius verba hîc apponemus; postea verò, quæ nos illis opponenda judicavimus.

Hugo

Hugo: Grot. Annot. in
N. T. tom. II. p. 606. &c.

Philip. II.
v. 6. &c.

Ὅς ἐν μορφῇ θεοῦ ὑπέσχετο.] Μορφῇ
in nostris libris non sig-
nificat internum & occultum
aliquid, sed id quod in oculos
incurrit, qualis erat eximia
in Christo potestas sanandi
morbos omnes, ejiciendi dæ-
monas, excitandi mortuos,
mutandi rerum naturas: quæ
verè divina sunt, ita ut Moses,
qui tam magna non fecit,
dictus ob id fuerit Deus Pha-
raonis. Vocem *μορφῆς* quo dixi
sensu habes Marci XVI. 12.
Esaia XLIV. 13. ubi in Hebræo
תבנית. Daniel IV. 33. V.
6. 10. VI. 28. ubi in Chaldæo
וון Job IV. 16. ubi in He-
bræo תמונה.

'Οὐχ ἀρπαγμὸν ἠγόραστο τὸ ἶσα θεῷ]
 ἀρπαγμὸν ἠγοῦσθαι est locutio Sy-
 riaca. In Liturgiâ Syriacâ
 Johannes Baptista Christo
 baptismum ab ipso expetenti
 dicit, **לֹא אֶרְבָּז לִנְיָא** non
 assumam rapinam. Solent qui
 aliquid virtute bellicâ pepe-
 rere id omnibus ostentare, ut
 Romani in triumpho facere
 solebant. Non multò aliter
 Plutarchus in Timoleonte,
 οὐχ ἀρπαγμὸν ἠγόραστο. Sensus est,
 non venditavit Christus, non
 jactavit istam potestatem:
 quin sæpe etiam imperavit,
 ne quod fecerat, vulgaretur.
 ἶσα hic est adverbium. Sic
 Odyss. ο, τὸν νῦν ἶσα θεῷ Ἰθακήσιον
 εἰσορέωσι. Ἰσοῦσα φεγεῖν dixit scri-
 ptor II. Macc. IX. 12. Εἶναί
 ἶσα θεῷ est spectari tanquam
 Deum. Vide hujus loci u-
 sum

sum egregium Eusebii V. 2.

Ἀλλὰ ἑαυτὸν ἐκίνασε] קִינָה.
Planè idem sensus, qui II.
Cor. VIII. 9. ὅτι δι' ἡμῶς ἐπιλόχευε
πλάστον ὦν. Nam inopes dicun-
tur κενοὶ Gen. XXXI. 42. Luc. I.
53. Jud. XI. 3. ubi in Hebræo
est, יָקִין : Græ-
co, ἄνδρες κενοί : Latinus vertit,
viri inopes. Itaque ἑαυτὸν ἐκίνασε
est, libenter duxit vitam ino-
pem : Math. VIII. 20.

Μορφὴν δούλου λαβὼν] Similis fa-
ctus est servis, qui nihil pro-
prium possident. Hic ponen-
da διαστολή. incepit enim jam
ἀντίθετον aliud.

Ἐν ὁμοιότητι ἀνθρώπων γινόμενον]
Cum similis esset hominibus,
illis nempe primis, id est, pec-
cati expers II. Cor. V. 21.

Καὶ ἡμῶν ἰσοιθεὶς ὡς ἄνθρωπον]
ἡμῶν hic est ἀξίωμα, dignitas
conspicua,

conspicua, ut apud Græcos sæpe, quam vocem hîc servavit Syrus. & *ὑπεθεῖς* est **נַצְנַצ** conspectus est, *ὡς ἀνθρώπου*, **אָדָם** tanquam Adam, qui *ὁ πρῶτος ἀνθρώπου*. Dignitate talis apparuit qualis Adam, id est dominio in omnes creaturas, in mare, ventos, panes, aquam. ob quam causam id quod de Adamo dictum fuerat in Ps. VIII. Christo *μυστικῶς* applicatur.

Ἐταπείνωσεν ἑαυτὸν] Non pro eâ dignitate se gessit, sed humiliter admodum, ita ut & pedes discipulis lavaret Joh. XIII. 12. 13. Sicut *ἐκένωσε*, ita *ἠταπείνωσεν*, formæ sunt Hiphil, sed significant, talem se exhibere, aut ostendere. Sic & Latini dicunt, comem se facere.

Ἐνὸς μὲν τῶν ἁπάντων μέγιστος δαδάτου]

Factus est obediens, nempe hominibus, tam Judæis, quàm Romanis. Non opposuit vim illam divinam capientibus se, damnantibus, interficientibus. Tantas injurias libenter pertulit bono humani generis.

Θαύματα δὲ ταυτῶν] Quod supplicium & summè atrox (nam & inde cruciari, & cruciatus,) & maximè despectum. Appianus Civilium II. ἐν περὶ μὲν οὐκ ὅσα διεγέρθησαν ἡμῶν. Servus apud Plautum, *Scio ego crucem fore mihi sepulchrum.*

Haftenus ille. Priusquam ad singulas voces accedimus, hoc in genere de illo qui maximè controvertitur verborum sensu præfari libet, & autoritate veterum, quorum notatus

notatus aliis hac in re consensus, (ut recentiores omit-
tam:) & ex ipso verborum
tenore persuasissimum nobis
esse, tam divinam quàm hu-
manam Christi naturam his
verbis ab Apostolo adstrui:
divinam quidem illis, ὅς ἐν μορφῇ
θεοῦ ὑπαρχὼν ἐχ' ἀπαρ. ἡγνώσ. τὸ θεῶν ἵσται
θεῶν. humanam autem, aliis
quæ sequuntur haud unis; de
quo vix quisquam dubitat:
sed quibus tamen potissi-
mum, cùm alii μορφῇ θεοῦ; alii
autem, ἐν ὁμοιότητι τῶν ἀνθρώπων, &
ἐν ὁμοιότητι ὑπεθεῖς αἰς ἀνθρώπων, in eam
rem præcipuè laudent & ur-
geant, nec in eo primæ notæ
Protestantibus inter se pla-
nè conveniat, nos quoque ju-
dicii nostri libertate, quæ præ-
cipuæ sententiæ minimè in-
commodatura est, utemur
scilicet.

scilicet. Ita igitur sentimus; Apostolum stupendam illam Christi Dei *κένωσιν* à duobus præcipuè capitibus commendare: primo quidem, quod homo factus sit, vel humanam potius naturam Deus assumpserit: secundo autem, quod homine assumpto, abjectissimam conditionem, servilem scilicet elegerit. Hæc duo, opportunâ, in re tantâ & tam incredibili, *ἐπιμονῇ*, continuis duobus versiculis repetit. In priore versiculo, *μορφὴν δούλου λαβὼν, ἐν ὁμοιωμάτι αὐτοῦ γενόμενος*, (nisi ita veritas, *formâ servi acceptâ, cùm similis hominibus factus esset*;) videtur esse quoddam *ὑπερὸν ὁσώτερον*; cujus generis plura observant in his libris eruditi. Hæc ordinis causâ quamvis ita statuamus,

tuamus, non tamen humanam naturam à μορφή δέλα excludimus : imò si sola hæc essent, non alia verba requireremus, quibus illā assereremus. Non enim potest (præcipuè cùm unum idemque μορφή verbum utrumque significet) à conditione servili, humana ; ut nec à majestate Dei (ut hic rectè non unus disputat) divina natura separari. Nunc singula expendamus.

"Ὁς ἐν μορφῇ θεῷ ὑπάρχων] μορφή ,
ait vir maximus, *in nostris libris, non significat internum & occultum aliquid : &c.* Rectè, modò nihil obstat, quò minùs usitata verbi significatio retineatur. Tum enim certè usitatam significationem minùs usitatæ præferre rectum est. Nam alioquin nul-
lum

lum non scriptorum genus earum vocum exempla sup-
 peditat, quæ vel rarò, vel for-
 tasse apud eundem scripto-
 rem non omninò nisi semel
 tali notione, quam contextus
 ibi ratio manifestò requirit,
 occurrant. Imò non pauca,
 quæ longè diverso, vel etiam
 contrario sensu una eadem-
 que paginâ, ne dicam senten-
 tiâ : quale quod apud Thu-
 cydidem, *δίδται τὰ ἔσπλα*, pro
arma sumere, & deponere, in-
 tra unius ambitum sententiæ,
 à doctis notatum. Ita fert
 communis loquentium usus.
 Ecce, ne longè abeamus, in
 his Apostoli verbis ista duo,
ἔσπλα, & *ἀνθρῶποι*, novo planè
 sensu, cujus in sacris libris
 nulla alibi sunt exempla, ac-
 cipit V. M. ut postea videbi-
 mus.

mus. hoc autem quàm verè,
 nihil attinet hîc dicere. Cer-
 tè Joh. XVII. v. 17. & 19. in
 Christi prece, τὸ ἀγαθόν, aliter
 cùm de Christo dicitur, aliter
 cùm de discipulis, non Gro-
 tius tantum, sed quantum est
 opinor interpretum, expo-
 nunt. Talia non pauca aliis
 animadversa, quæ non hîc
 congeram. Hîc autem cur
 μορφή non de exteriori tan-
 tum specie sumendum sit, vox
 ἡ ἀρχὴ, (si propiùs vis illius,
 non tamē obvia valde fateor,
 attendatur) non leve argumē-
 tum. Quanquam si per μορφήν,
 divinæ quidam splendor Ma-
 jestatis extra sese quoquo mo-
 do manifestans, & creaturis
 quibuscunque visendus intel-
 ligatur, nihil ultra postula-
 mus. Sed in eo præcipuè
 causa

caussa vertitur, utrum hæc Apostolus de Christo Jesu ante, vel post Incarnationem; seu assumptam naturam humanam. Si enim de Christo nondum nato vel incarnato hæc dici concedantur, *μορφῇ θεῷ* ipsam Dei *ὑπόστασιν* si non exprimi, certè innui & includi nemo dubitaverit. Sed hoc non concedunt qui in hac causâ nobis adversi sunt, non *μορφῇ θεῷ* tantum, sed & quæ sequuntur, *ἐν ὁμοκλήματι τῷ ἀνθρώπινον*, &c. ad conditionem servilem restringentes. At V. M. illorum exceptiones, in quibus, ut videtur, satis sibi fore præsidii desperabat, nihil moratus, novam, proprio fisis ingenio, rem conficiendi rationem excogitavit: nullo auctore veteri, nulla, quod sciam,

am,

am, vel vetere, vel nova versione suffragante. Sed de eo postea suo loco. Quod autem per *μορφήν* *θεῦ* Christi miracula innui censet, non primus hoc ille censuit, & miror in re tantâ tam facilè sibi persuaderi siviſſe. Ego libenter de vetere aliquo scriptore locum proferri mihi velim, ubi potestas eximia talis qualis hâc describitur, *μορφήν* *θεῦ* nuncupetur. Notissimâ siquidem & vulgatissimâ (quod valde solent urgere, qui nobis hunc locum conantur eripere) significatione, *μορφήν* est exterior forma, speciesve, quæ ex vultu, gestu, cultuve in oculos incurrit; non quæ ex factis. Imò, *μορφήν*, propriè talis *forma*, quæ gestis admirandis & eximiae potestati non raro

rarò apud probatissimos scriptores opponitur. Miranda erant, si non miracula, Alexandri Magni gesta, quæ qui videbant, audiebantve, tanquam numen aliquod suspiciebant. An igitur quisquam ita locuturus, ut hæc Alexandri gesta, hanc virtutem & fortunam, *ὁ δὲ μορφήν*, aut *ὁ δὲ μορφήν* in Alexandro dicturus fuerit? Certè Alexandri ipsius *μορφή* simpliciter longè alia res: de qua ita Q. Curtius; *Interrito vultu Regem Thalestris intuebatur, habitum ejus laud quaquam rerum fame parè oculis perlustrans. Quippe hominibus Barbaris in corporum majestate veneratio est, magnorumque operum non alios capaces putant, quam quos eximiâ specie donare natura dignata*

dignata est. En, ut *eximia species*, (*δεῖξις* vel *δεσποτική μορφήν*, id est, *ὑπερφυῖν* non malè veritas) *eximie potestati* opponatur. Atque ita in omnibus illis locis quos indicavit V. M. *μορφήν* de formâ corporis externâ propriè, non de *eximiâ aliquâ potestate* accipitur. Nec igitur in Christo *μορφήν θεῆς*, non vulgari saltem notione, de miraculis ejus & *eximiâ potestate* exponi debuit ; aut eo nomine altera illa *μορφῆς*, de formâ essentiali, significatio quòd minùs esset vulgaris & usitata, repudiari. Quod autem præterea V. M. de Mose, *Deus Pharaonis dicto*, adfert, quanquam non desunt viri doctissimi qui aliam nuncupationis ejus rationem red-

dant ; non tamen juvat ipsius causam, quod sciam, si concedatur illi, qui divina operentur, *Deos* olim apud multos esse nuncupatos, aut habitos ; cum non de voce *Dei*, sed de voce μορφή sit omnis controversia. Ecce, Act. xiv. Paulus & Barnabas divina inter Lycaonas operati, *Dii* nuncupari ab attonito vulgo meruere ; qui tamen vulgus non μορφήν θεῶν ideo iis tribuit, sed exertè ὁμοιωμα (quod tantundem ac si μορφήν dixisset) τῶν ἀνθρώπων. Sed pergamus.

Οὐχ ἀπαρχαμὸν ἐγνώσκειτο] In uno illo, quod ex Liturgiâ Syriacâ, à Fabr. Boderiano editâ profert V. M. exemplo, nihil admodum video, cur ἀπαρχαμὸν ἐγνώσκειται, sensu Apostoli, phras

sis

sis dicatur Syriaca : ne id
 quidem, cur *rapinam assume-*
re, vel, *per rapinam sumere*,
 pro, alienum jus, vel contra
 jus aliquid usurpare, sit Sy-
 rorum proprium. Verborum
 Apostoli longè alia ratio. Ex
 iis quæ in priore disputatio-
 ne attulimus liquere possit,
 ὅτι ἐστὶν illam partim esse He-
 braicam, partim verò Græ-
 cam : imò & Latinam. Ad
 sensum verborum quod atti-
 net quem probat V. M. Ca-
 meronem, de quo nos antea,
 videtur expressisse ; & de hoc
 ipsius consensu, quo nostra
 sententia confirmetur, admo-
 dum lætamur. Quanquam
 jam olim & Theodoretus ita
 interpretatus, qui τὸ αἶψα, ἐχ' ἡγία-
 per, ἡ μέγα τῷ τοῦ ὑποδείξε, exponit.
Non multò aliter, ait V. M.

Plut. in Timoleonte, εχ ἀπαγγέλλει
 ἡγήσατο. Ego ista verba in Plu-
 tarchi Timoleonte quæsi, *quasi*
 nec inveni hætenus. Quæ
 proximè ad hæc accederent,
 ista se mihi obtulere; οὐχ ἡ-
 παύσατο οἱ Κορύνθιοι τὴν πλεονεξίαν. Fa-
 vent hæc verba illorum inter-
 pretationi, qui εχ ἀπαγγέλλει. ἡ-
 γήσατο. idem esse volunt ac si dixis-
 set Apostolus, εχ ἡπαύσατο, aut
 ἡπαύσατο: ad hanc quam tue-
 tur V. M. quomodo pertine-
 ant, non satis assequor. Sed
 potest fieri ut alibi in Plu-
 tarcho occurrant, quæ in Ti-
 moleonte non invenio. Sin
 aliter res habet, suspicor
 V. M. ità potius scripsisse,
Non multò aliter Plutarchus
in Timoleonte. Ἀπαγγέλλει. εχ ἡγήσατο,
sensus est, &c. & loco alieno
 vel ab exscriptore, vel à
 typothetâ

typothetâ distinctiones esse
positas. Aliud huic planè ge-
minum παράρρημα paulò post no-
tamus.

Ἀλλ' ἐαυτὸν ἐκένωσε] Cur τὸ κενόω
ad paupertatem, quanquam
interdum ita usurpatum in-
veniatur, hic restringatur, nul-
la caussa est. Laxior illa vocis
inanitionis in genere significa-
tio, ad vilitatem & ἐδένειαν
humanæ conditionis, si cum
divinâ comparetur, expri-
mendam ut est magis appo-
sita, ita & Apostoli propo-
sito magis accommoda. A-
postolo propositum, incre-
dibilem Christi ταπεινώσειν ob o-
culos ponere, qui ex μορφῇ θεῷ,
ad μορφήν δούλου, suscepto homi-
ne, descenderit. Deo, qui
τὸ πᾶν ἐν πᾶσι, propriè compe-
tit omne πλήρημα. Homine

E 3 autem

Pfal. LXII.
V. 10.

autem nato quid levius, aut
καὶ ἀπὸ γένου? quod graphicè ad-
 modum divinus Psalter ita
 expressit: *Tantummodo va-*
nitas sunt (utor versione Ju-
 nii) *nati plebeio homine; men-*
dacium sunt nati prestante vi-
ro: lancibus illi simul impo-
siti, ascensuri essent supra va-
nitatem. Quod autem notat
 V. M. eundem esse verborum
 istorum sensum, qui & illo-
 rum II. Cor. VIII. 9. ὅτι δι
ἡμᾶς ἐπὶ ὅλας πλῆσι αὐτῶν: eandem
 fanè argumenti vim esse, à
 Christi exemplo sumptam, li-
 benter illi concedam; non
 & eundem planè utrobique
 scopum. Hic enim proposi-
 tum Pauli, ad humilitatem;
 illic, ad beneficentiam co-
 hortari. Ibi igitur Christum
 proponit *πλῆσιν*, id est, in ex-
 uberan-

uberantissimæ fœlicitatis possessione, ut Deum, constitutum, paupertatem, ut nos ditaret, non detrectantem : hîc autem eundem in æternæ fastigio Majestatis, ad humanæ naturæ conditionem, sortemque ex humanis abjectissimam sese demittentem . At ibi quoque V. M. vocem *πλεστον* aliò trahit ; quasi miraculorum potestas , & divitiæ essent naturâ affinia. At longè aliter exempla in Sacra Scriptura proposita. Quid Eliæ potestate magnificentius ? Ejus autem vita quantum à postremâ paupertate plerunque aberat ? Annon & alii pariter non pauci, qui cum Petro dicere potuerunt, *Αρχοντες καὶ χριστὸν ἔχοντες ἀρχὴν ἡμῶν, ὃ ὃ ἔχομεν, τὸ τοῦ δίδωμεν*, &c. **ACT. III. 6.**

A&.VIII.

Inde est, quod famosus ille in Historia Sacra & Ecclesiastica Simon, diræ execrationis carmen audire meruit, quod donum Spiritus Sancti quo miracula (ut ex versu 13. colligere est:) patrarentur, pecuniariâ æstimatione sibi comparare voluerit. Christus autem quatenus Deus, optimè *πλάσι* & indigitetur, ut qui fons omnis boni unicus, verus *δοτήρ ἐσάν*, sæculares aliis divitias dispense. 1. Chron. xxix. 12. *cujus, terra & plenitudo ejus*: Ps. xxiv. 1. alibique.

Μορφήν δ' ἄλλε λαβάν] Per *μορφήν δ.* conditionem hominis abjectissimam & infimam quæ supremæ, Deitatis, opponatur, multò probabilius hic indicari, quàm eò propriè respici, quod servi *nihil proprium possideant*,

sideant, ut censet V. M. Huc pertinent verba Ciceronis; Meminerimus autem & adversus infimos justitiam esse servandam. Est autem infima conditio & fortuna servorum. Pergit V. M. Hic ponenda, ait, διαβολή. incipit enim jam ἀντίθετον aliud. Imò, hîc incipit novum commentum, cujus alium quemvis potius authorem (si tamen ille author) fuisse optarem, quàm tanti ingenii virum.

Ἐν ὁμοειπεῖσι ἀνθρ. γένει.] Notum est, & à viris doctis fusè probatum, has voces, *αἰς*, *ὁμοειπεῖς*, & alias similes, apud Hebræos rem ipsam passim denotare. Ita interdum & vox *effigies* apud Latinos, ut & *imago*, rem ipsam significant. Quanquam non displicet

E 5 quod.

quod ex Græcis scholiis à nonnullis hic affertur; *Διὰ τὸ εἶπεν, ἑμῶν ἀνθρώπων; ὅτι εἶχεν τινὰ ὑπὲρ ἀνθρώπων. τὸ εἶναι καὶ θεῖον. τὸ αὐτοσυνεσίαν τεχνῆσαι.* Eò igitur spectant istæ exceptiones, ut Christum, qui exteriori specie non alius quàm purus putus homo apparebat, non *ψαλὸν ἀνθρ.* fuisse innuant, nec aliorum hominum lege natum. Huc etiam facit, quod scriptor Epist. ad Hebr. carnem Christi, *Divinitati ipsius oppansam*, ut Grotii ipsius verbis utar, *καταπέτασμα.* & Græci Patres, *προσέκλυμα*, nuncupant. Quamquam enim utraque in Christo natura pari veritate, ratio tamen & usus loquendi postulat, ut à nobiliore & potiore potissimùm censeatur & denominetur. Quod autem

autem V. M. per ἀνθρώπους, *primos homines*; & per ἀνθρώπων, *Adamum*, à Paulo innui sciscit, id; ut liberè dicam quod sentio, sive rem spectes, sive verba, nullâ mihi veri similitudine niti videtur. Nam nullibi, quod sciam, de primis illis hominibus, aut Adamo separatim tam divina & magnifica prædicantur, ut Christus, cui modò κατὰ θεὸν peculiariter quadam ratione, tribuebatur, idem nunc Adamo & primis hominibus comparetur. Quæ Psalmo VIII. gloriose de homine canuntur, multo plures sunt, qui de toto genere, quàm qui de Adamo uno exponunt. Adamus ad illam dignitatem, si innocens perstitisset; in Adamo autem universum genus humanum

manum creatum. Si jus itaque spectemus primigenium, eadem omnium hominum ratio est. Si possessionem, ne Adam quidem tam diu fuit in possessione, ut ei jure quicquam privatim gratulari debuerit. Quanquam ne nunc quidem adeò penitus exciderunt ea dignitate homines, ut non illa tam magnifica hominibus universim modo quodam competant. Hinc est quod & apud Ethnicos haud minùs magnifica de hominis dignitate & absoluto quodam in cætera quævis animalia imperio reperire est. Legantur quæ Plutarchus hac de re in tractatu *τῶν ἠθῶν*, & Plinius *Natur. Hist.* lib. viii. c.4. ut alios omittam. Adami inter priscos heroas quorum laudes

laudes prosequitur, non meminit author *Ecclesiastici*. Aliquid author *Sapientia*, sed parcè. Noster autem Apostolus 1. Cor. xv. Christum cum Adamo ita contendit, ut discrimen inter illos immane quantum statuatur. Quis verò credat, si de Adamo aut primis adeò parentibus cogitasset hic Apostolus, eum, ἀνθρώπου aut ἀνθρώπου nudè ac simpliciter dicturum fuisse, cum illo quem diximus loco de Adamo acturus, non contentus dixisse, ἀνθρώπου ἀνθρώπου, quod sufficere poterat; proprium etiam nomen *Adam* addiderit? Tuam fidem libenter, si liceret, Vir magne, convenirem, sermone in animum tuum inducere potueris ita intellecta à primis illis, ad quos scribebat.

scribat, Christianis Apostoli
 verba; vel Apostolum in re
 tantâ ita consulto consilio
 locutum, ut à nemine intelli-
 geretur? Certè si uspiam in
 N^o. T^o. isti τῷ ἀνθρώπῳ accep-
 tionis locus, ibi maximè, vel
 Matth. viii. 20. αἱ ἀλάστορες
 φωναὶ ἔχουσιν, &c. ὁ δὲ υἱὸς τοῦ ἀνθρώπου οὐ
 ἔχει πῶς τὴν κεφαλὴν κλίνη· vel cer-
 tè, Joh. v. 27. καὶ ἐξουσίαν ἰδωκεν
 αὐτὰ καὶ κρίσιν ποιεῖν, ὅτι υἱὸς ἀνθρώπου
 ἐστίν. At utrobique per vocem
 ἀνθρώπου abjectæ fortis homi-
 nem V. M. intelligit, & ex-
 ponit. Imò verò, quod me-
 ritò mireris, istorum quos in-
 dicavimus locorum postero-
 re, hæc ipsa, de quibus agimus
 nunc, Apostoli verba profert
 V. M. & ut nos exponimus
 hic, exponit & ille planè; ut à
 posterioribus, quæ non semper
 sapientiores,

fapientiores, ejus cogitationibus, ad priores provocare nobis liceat libeatque. Cæterum, quod in Plutarcho laudato modo suspicabamur, illic in Daniele, aut Græcis potiùs interpretibus palam admissum, quibus ista Pauli, *ἡμεῖς ἑρμῆς αἰς ἀνθρώπων*, perperam à V. M. tribuuntur.

Annot. in
Evangel.

p. 894.

In Græco

Danielis

est, *ἡμεῖς ἑρμῆς αἰς ἀνθρώπων*.

Καὶ ἡμεῖς ἑρμῆς αἰς ἀνθρώπων]
ἡμεῖς simpliciter pro *αἰσῶμεν*, non ignota, fateor, Græcis locutio, observata doctis; inter alios, si benè memini, & b. m. parenti non uno loco: nec ea tamen adeò frequens, ut usurparet hîc Apostolus eâ notione, si quidem se volebat (quod opinor volebat) intelligi, cùm usitata & magis obvia significatio filo orationis & sententiæ tam benè congrueret.

congrueret. Σχῆμα apud Græcos interpretes, qui LXX. vulgò dicuntur, semel tantum, (si fides *Concordantiis* illis, quarum fide passim nituntur & eruditissimi:) occurrit, & rem fœdam designat, cujus in publico conspectus & expositio, abjectissimæ in sacris libris & deploratissimæ conditionis indicium esse solet. Nempe, quod Esaia cap. 111. v. 17. in Hebræo, וְאֶדְנִי פִתְּחֵן יְעֹרָה, vertunt illi, καὶ κύριε ἀναγλύψῃ τὸ σχῆμα αὐτῶν. In No. quoque T^o. semel occurrit, (1. Cor. VII. 31. παρὰ γὰρ τὸ σχῆμα τοῦ κόσμου τετέλεσται) in Pauli nostri verbis: quo ille verbo rerum mundanarum τὰ κενὸν & inane, (ut Græci patres observant) egregiè perstrinxit. Cum voce ταυτέων, &

ταυτέωντος

ταπεινότης vox ῥήμα conjuncta
 sæpe apud Græcos scriptores,
 reperitur : ut apud Plutar-
 chum, ῥήματι ἐκταπίνεσθαι ἑαυτὸς, &
 ῥήματι ἀταπεινῶσθαι, in vitâ Co-
 riolani.

Θανάτι ὃ σταυρῷ] Sunt qui
 contendunt (ut hoc ἐν τῷ ἀει-
 ὄντι addam) crucem, servile
 supplicium non rectè dici,
 cùm neque omnes servi, &
 qui non servi haud pauci eo
 supplicio affecti sint : sed ar-
 gumento, si quid ego judico,
 levissimo ; cùm ita ferat om-
 nium linguarum consuetudo,
 ut ab eis quæ αἰς ἐπὶ τὸ πολὺ,
 non quæ semper ac neces-
 sariò, nomina rebus indan-
 tur, & loquendi modi flu-
 ant. Nam crux alioquin non
 propriè supplicium servorum
 quatenus servi, sed quatenus

ληται & κακῆργοι, sive facinorosi. Propriè igitur locutus est Plutarchus, cùm de tyranno quodam cruci affixo, aut eo certè suplicii genere, quod apud Græcos Romanæ crucis rationem habebat, affecto, ὅτι ζῶν ἀπαχθεὶς, ἦν αὖ οἱ λήται δίκην ἰδῶμεν; non, οἱ δέλοι dixit.

Hæcerant, quæ V.M. commentationi, solo veritatis studio, opponenda credidimus. Quoniam autem memoriam ejus bonis omnibus & doctis pro maximis ejus in Rempublicam literariam meritis optamus esse charam, quæ de tanti viri τοῖς ἐχάτοις, & vitæ catastrophe amicorum quorundam ope & beneficio ad nos pervenerunt, eorum Lectori candido & ingenuo, prout *Amstelodami* sunt edita,

ta, copiam ut facerem, & hic infererem, facile à me impetravi.

Hugonis Grotii p. m. ultima; quibus Joanni Quistorpio, S.S.Theol. D. Professori, Facultatis ejusdem Seniori, & Primarii Templi Rostochiensium Pastori, suum ob peccata dolorem, & spem salutis confessus est.

Contendis à me, N. N. ut perscribam, quem, mundo huic valedicturus, Literatorum Phoenix Hugo Grotius se gesserit. En, paucis id habe. Conscenderat ille Stockholmiae navim, qua Lubecam ferretur, vehementibus per tridu-

um in mari jactatus procellis,
 naufragium patitur, & ager
 ad Cassabia litora appellit. In-
 de perquam incommodo curru,
 pluviâ tempestate, per LX. &
 plura milliaria, tandem Rosto-
 chium nostrum devehitur. Di-
 vertit ad Balemanniam. D.
 Stocmannum Medicum advo-
 cari curat, qui etate, naufra-
 gio, incommotis itineris fra-
 ctas vires advertens, vite ter-
 minum imminere præagit. Se-
 cundo ab ingressu in hanc ur-
 bem die (qui St. Vet. erat
 xviii. Augusti) me horâ no-
 nâ vespertinâ ad se vocat. Ac-
 cessi, propemodum in agone Vi-
 rum constitutum offendi: com-
 pellavi, & me nihil maluisse
 affirmavi, quàm ut mihi cum
 ipso incolumi sermones sociare
 licuisset. Regerit ille, Ita Deo
 visum

visum fuit. Pergo : ut ad beatam emigrationem se componat, peccatorem agnoscat, super commissa doleat, moneo ; quumque inter loquendum Publicani peccatorem se fatentis, & ut Deus sui misereretur precantis, meminisssem : Respondet, Ego ille sum Publicanus. Progredior, ad Christum, extra quem nulla est salus, ipsum remitto. Subjicit ille, In solo Christo omnis spes mea est reposita. Ego clarâ voce precationem illam Germanicam Germanicè recitabâ ; Herr Jesu, wahrer Mensch und Gott, &c. Ille complicatis manibus, submissâ voce me insequabatur. Quum finivisssem, quâsivi an me intellexisset : Respondit, Probè intellexi. Pergo illa recitare ex
verbo

verbo Dei, quæ jamjam morituris in memoriam revocari solent. *Quæro, an me intelligat? Resp.* Vocem tuam audio, sed quæ singula dicas, difficulter intelligo. *Quum* hæc dixisset, planè conticuit, & brevi post, spiritum exhalavit, in puncto duodecimæ nocturnæ. *Habes Catastrophæ* vitæ, ab Grotio summo Viro actæ. Cadaver Medicis post commissum est. Intestina lebeti æheneo imposita, ut in templi apud nos primarii Mariæ Virgini sacri locum honoratissimum reponerentur, à templi præfectis facile impetravi. Molliter cineres cubent. *Vale.* Dabam Rostochii propediè Michaelis, Anno CIO IOC XLV.

Amsterodami,
Anno CIO IOC XLV.

Tuus,
J. Quistorpius.

Longior fui in his Apostoli verbis quâ explicandis, quâ vindicandis, quàm fore me initio credideram; aut certè prævidere poteram. Sed cum quanti res momenti agatur cogito, & quali quantoque cum viro res mihi fuerit, impensæ operæ minimè poenitet.

Poterat hoc exemplum sufficere. Sed quia de *Verbis* hæc opella nobis suscepta est, locum de verbis in Evangelio, non satis, ut nos quidam putamus, hætenus explicatum, & super eo loco sententiam nostram superpondii quasi loco adjicere visum est.

Domini nostri *τὸ λόγος* illius æterni & *ὑπάρχον* de verbis in communi

communi vita prolatis hæc est
sententia :

Math. xxi.

. 36.

Λέγω ὑμῖν, ὅτι πᾶν ῥῆμα ἀργὸν ὃ ἐὰν
λαλήσωσιν οἱ ἄνθρωποι, ἀποδώσει αὐτοὶ
αὐτὸς λόγον ἐν ἡμέρᾳ κρίσεως.

Ἀργὸν λόγον *de otiosis verbis*,
quatenus seriis opponuntur,
accipiunt uno consensu inter-
pretes. Sunt qui ad falsos
sermones extendunt ; sed ex-
tendunt tantum. Eò enim &
ipsi relabuntur, ut de mini-
mis per aggravationem pec-
catis ad maxima, Christi pro-
cedat argumentum. Aggra-
vationis autem in his verbis
statuendæ hæc illis causa, ut
sit aliqua cum præcedentibus
verbis cohærentia. Quæ ta-
men per hanc interpretatio-
nem cum præcedentibus, meo
iudicio, obscura ; cum sequen-
tibus verò, si quis animum di-
ligenter

ligerter advertat, omninò nulla. Nisi quis id Christum præcisè voluisse, (quod alibi non semel ab ipso negatur :) crediderit, non tam ex factis unumquemque quàm ex sermone suo serio vel otioso à Deo judicandum. Doctissimus Chemnitius ad hunc locum ; *Videtur enim longa illa oratio Christi perturbata esse, in qua argumenta non satis cohereant : sed planissima erit, si observetur eam referri ad singulorum judicia, &c.* Haud absimilia & alii nonnulli interpretes : quâ quidem connectendi ratione vel Sibyllæ folia coherere possint. Adde quod ἀργὸν ῥήμα vel ἀργὸς λόγος de otioso, ut vulgò capimus, sermone apud veteres scriptores Græcos non

E

adeò

adeò vulgare. Ἀργὸς autem ille λέγει, veterum scriptis & disputationibus in causa de arbitrii libertate celeberrimus, alia longè res est.

Quid igitur, inquis, ἀργὸς hic? quod ipsa vis verbi suadet, & etymologia; sermo recassus; ἀεὶ λέγει, sine opere: non ex intimis animi sensibus promptus, sed in ore natus; fictus & simulatus: vel, ut vulgò loquuntur, hypocriticus. Ita enim vulgò contingit, ut veros sermones ex corde promptos opera sequantur illis consona; & inde ἀργὸς, pro ficto quoque & simulato sermone sumi possit. Solere autem ἀργίαν opponί τῇ ἐνεργείᾳ, vel ex uno discamus Hierocle. Verba ipsius quia sunt eximia, & eò quidem libentius

bentius ut de praestantissimo opere benè mereamur, adscribere non pigebit.

Hierocles igitur in *Carmina* quae vulgò perhibentur, *Anrea* Pythagoræ, quodam loco ita commentatur :

Οὐτε γὰρ μένον προσυμεῖσθαι δεῖ τὰ καλὰ, αἷς ἐφ' ἑαυτοῖς ὄντα κατορθῶσαι καὶ χωρὶς τοῦ θεῶ συνερχείας • ἅτε ψυχῆς τῆς Εὐχῆς τοῖς λογισμοῖς ἀρκεῖσθαι, μηδὲν πρὸς τιτὸν κῆπον τῶ ἀιτηθέντων προσφέροντας. ἅτω γὰρ ἢ ἄθεον ἀρετῶν, εἰ οἶόντε τῷτο εἰπεῖν, ὅπῃ τηδεύσομεν • ἢ ἀνένεργον Εὐχὴν. ὅν τὸ μὲν ἄθεον ὄν, προαναμρεῖ τῆς ἀρετῆς τιτὸν εἶσιν • τὸ δ' ἀργόν, ἐκλύσθαι τῆς Εὐχῆς τὰ δεκτέονα. Vertit ibi interpretes;

Neque enim quae honesta sunt ita solum debemus suscipere, tanquam ea ipsi per nos nulla Dei ope possimus gerere : neque rursum ita nudâ Precum ratione contenti esse, ut nihil

ad ea paranda, quæ petuntur, adjiciamus. Ita enim aut virtutem, quæ Dei sit expers (si fas id dicere) amplectemur ; aut preces inefficaces : quorum quidem alterum eo ipso, quod Deo careat, virtutis naturam præfocat : alterum autem, quia iners, precum resolvit efficaciam. Decepit interpretem falsa lectio. Legendum enim, non τῆς εὐχῆς, sed τῆς ψυχῆς τὸ δρᾶσθαι. & vertendum, *Alterum autem, anima resolvit vigorem, vel si mavis, efficaciam.* Sed & illud ἀνενέργητον εὐχὴν, *preces inefficaces*, ambiguum est & obscurum. Verte potius, *preces ignavas & inertes* ; ut πολυθρύλλητον illum ἀργὸν λόγον, de quo supra, interpretatur *Cicero ignavam & inertem rationem.*

Idem

Idem ibidem alio loco,
 Διχῶς γὰρ ἀμαρτάνομεν. ἢ τὸ μὴ δεῖν
 ποιήσαντες, ὃ διὰ τῆς παρίσταν δηλεῖται.
 ἢ τὸ δεῖν μὴ ποιήσαντες, ὡς ἐκ' αὐτῆς
 κ' ἵται λέξεως. ἄλλο γὰρ ἀργία τῆς καλῆς
 καὶ ἄλλο ἐνέργεια τῆς αἰσχρῆς. *Peccamus
 enim duplici ratione: vel
 cum facimus quod non decet;
 quod transgressionis verbo sig-
 nificatur: vel cum non faci-
 mus quod decet; sicuti verbis
 exprimitur. Aliud enim est
 ab eo cessare quod honestum
 est; & aliud id facere quod
 turpe.*

In his τῶν ἀργίαν ὀπποῖ πα-
 λαμ τῇ ἐνέργειᾳ, vel τῇ ἀεφείᾳ ne-
 mo non videt. Sed & in No.
 To. tam in Christi verbis,
 τί ὡδὲ ἐσηύξατε ὅλην τὴν ἡμέραν ἀργοί;
 Matth. 20. v. 6. quàm Petri
 verbis, ταῦτα γὰρ ὑμῖν ὑπάρχοντα καὶ
 πλεονάζοντα, ἵνα ἀργὸς εἴδῃ ἀκατάπρακτος κα-

δίστην eis τῷ &c. 11 Petri 1.8.
 vox ἀργὸι eodem planè sensu
 occurrit.

Quid multa? Quod Demostheni μάταιος λόγος, id Christo, nisi valde fallor, ἀργὸν hīc ῥήμα. Demosthenes in Olynthiaca secunda: ἅπας μὲν λόγος, ἂν ἀπὸ τὰ πρῶτα, μάταιον τί φαίνεται καὶ κενόν. id est, *Omnis sermo, quem res ipsa non consequuntur, vanum quid & inane apprehenditur.* Idem in oratione ad Philippi Epistolam, μάταιος ἅπας ἐστὶ λόγος, πρῶτον ἄμοιρος γινόμενος. i. e. *Omnis sermo, factorum expers, vanus & inanis est.* Quæ Demosthenis, elegans scriptor Philo Judæus in Vita Mosis l. 111. ita pluribus expressit: Λόγος δ' ἀεὶ ἐδὲν ὄφειλε τῷ κατὰ καὶ ἀποδοῦναι σημειωθῆναι, ὅ μὴ πρῶτον

ἔστιν οὐκ αἰὶν ἀκολουθεῖα προτάσεων.

Hâc expositione, verborum
cohærentiæ quàm bene con-
sulatur videamus. Christus i-
gitur postquam quàm grave
sit contra conscientiam in re-
bus maximis, id est, in rebus
fidei, quæ ad Deum proximè
referuntur, aliquid aut agere
aut loqui, docuit; eandem
porrò materiam de cordis &
oris in vita communi diffidio
latius prosequitur. Progenies,
inquit ille, viperarum, quo-
modo potestis (i. e. sustine-
tis: insignes illos hypocritas
fuisse satis notum est:) benè
loqui, cùm vestra vos opera
& vita malos esse convin-
cant? Cur naturæ ordinem

*Omnis enim
motus animi
suum quendam à naturâ habet vultum, & sonum & ge-
stum, totumque corpus hominis, & ejus omnis vultus om-
nesque voces, ut nervi in fidibus, ita sonant, ut à motu ani-
mi quoque sunt pulsæ. Cic. De Orat. lib. 111.*

F 4

pervertitis,

pervertitis, cum ita naturâ comparatum sit, & ideò sit institutus sermo, ut verba cogitationum cordis essent symbola, & quasi vehicula. Ita solent homines vulgò ex penâ suo qualicunque non alia depromere, quàm qualia condidere : boni, bona ; mali, mala. Vos aliter, quibus alia loqui, alia sentire nulla religio est. Ego verò dico vobis, omnis omnino verbi quod contra animi vestri sententiam temerè & vafre profertur à vobis, reddendam vobis olim coram tremendo Dei tribunali rationem. Et hæc ipsa vestra speciosa oratio in certissimam vobis celsura est perniciem. Inde enim palam convincemini non vos quod rectam esset, (unde enim

nim alioquin speciosa illa oratio?) ignorasse ; sed quod faciendum esset, rebus ipsis & opere præstare noluisse.

Conferantur hæc Christi cum iis quæ S. Jacobus c. i i i. à v. 7. ad 14. Non parum lucis inde scenerari licet, si quis singula accuratè componat. Non igitur de *minimis*, & ut Tertullianus alicubi, *quotidianæ incurfionis peccatis* loquitur Christus ; sed, ut ego sentio, de gravissimo eodemque communissimo ; hypocrisi nimirum, fucataque ad decipiendum oratione.

Porro id genus homines apud omnes cordatos & probos quàm malè semper audierint, liqueat vel ex celebratissimo illo Poetarum principis disticho :

Ἐχθεὺς γάρ μοι κείνῳ ὁμῶς αἰδᾶο πύλην,
 *Ὅς ἔπρεν μὲν κεύθῃ ἐνὶ φρέσιν, ἄλλο ᾧ εἶπῃ·

Homerum imitatus est, qui
 vulgò Phocylides. Γλαῦκῃ τῶν

ἔχουν, κρύπτον λόγον ἐν φρέσιν ἔχειν :

Linguâ mentem proferto : oc-
cultum autem in animo sermo-

nem vitato. Verbi ἔχειν am-

bigua significatio decepit in-

terpretes Phocylidis, ut in

contrariam planè sententiam

verterent. Idem paulo post,

Μηδ' ἔπρεν κεύθῃς κραδίῃ νόῳ, ἀλλ'
 ἀγορεύαν·

Μηδ' αἷς πέρθευῃς πολυπύες καὶ χῶ-
 ραν αἰετίζα.

Mirificè huc facit veteris
 poetæ Pacuvii gnome, quam
 Macedo Philosophus vir bo-
 nus (ut de eo testatur A. Gel-
 lius :) scribi debere censebat
 pro foribus omnium templo-
 rum : *Ego odi homines ignava*
opera,

opera, & philosophica sententia. Nihil enim fieri posse indignius, (ut ibidem Gellius,) neq; intolerantius dicebat, quàm quod homines ignavi ac desides, operti barba & pallio, mores ac emolumenta philosophie in lingue verborumque artes converterent, & vitia facundissimè accusarent, intercutibus ipsi vitiis madentes. His verbis, pulcherrimè & uberrimè vis vocis ^{ἀπὸς} explicatur. Hi sunt quos Epictetus, vita laudatissimus ipse philosophus, philosophos ^{ἀνὺ τοῦ λόγου καὶ τῆς πράξεως μὲν, οὐκ ἀπὸ τοῦ λόγου καὶ τῆς πράξεως}, factis procul, verbis tenuis, solebat appellare, ut pluribus docet idem Gellius lib. XVII. c. 19.

Hæc nostra super hoc loco sententia : quam quidem non eo animo proponimus, ut pro
ratis

ratis & fixis habeat quifquam, quæ nobis verifimilia videntur: sed ut accuratius expendendi & amplius de iis cogitandi materia aliis suggeratur: & *refellere*, (quod ait ille) *sine pertinacia*, & *refelli sine iracundiâ* semper parati.

Claudam hoc de Sacra Scripturâ & Theologiâ caput, Niceph. Gregoræ de Sacra Scripturæ stylo verbis, & observatione ab hoc loco non aliena: qui Nicephorus in aliorum librorum penuriâ hæc ipsa scribenti fortè erat ad manum. Ita igitur ille;

Ἐυρίσκομεν πολλαχῇ τὴν θεῖαν γραφὴν
ὁππότεν τινα τοῖς ἐνύμασιν ἐσκηθενημένον
εἰς τὸ εἰκός, ἅσπερ γὰρ οἱ τῆς βασιλείας
θάλαμοι καὶ ἐπὶ τοῖς ἀνθρώποις ἱεράτε καὶ
ἡμῶν ἐπὶ παρεκπιτάσμασιν ἄλλα ἄλλοις
καταλύονται,

κελύπτονται, ἵνα μήτε δημοῖς αἰσίοις
 περικείμενα κινδυνεύουσι, μήτε περιφρονη-
 ται διὰ τὸ τῇ καταλήφας περιχειρόντε καὶ
 ἄποιον· οὕτω ὃ καὶ τὰ πλείστα τῇ θείας
 γραφῆς καὶ μέλιστα οἷς μυστικοὶ πινεῖς ὑπε-
 ρβαῖνσι λόγοι, καθάπερ ὑπὸ παραπετάσ-
 μασι κελύπτονται τοῖς τοιούτοις ἰνόμασι,
 ἵνα πολὺν τὴ γνώφην ὀπισθεύοντες, καὶ σκό-
 τῳ ἀποκρυφὴν ἑαυτῶν πίνοντες, καὶ κύκλω
 αὐτῶν τῷ σκηνῇ αὐτῶν.

Quæ ibidem Latinè ita
 redduntur: *Sæpe in sacræ
 Scripturæ verbis nonnulla in-
 volvuntur, uti consentaneum
 est. Vt enim regum thalami,
 aliaque quæ sancta & magno
 in pretio habentur, aliis atque
 aliis velis occultantur, ne à
 rudi vulgo profanentur, aut
 quia omnibus absque labore
 pateant, contemnantur: Sic
 etiam plurimi S. Scripturæ lo-
 ci, ii præsertim in quibus ar-
 cana*

Alludit ad
 Psal. xvii.
 v. 12. secun-
 dum versio-
 nem Græ-
 corum: quod
 non adver-
 tisse videtur
 Interpres
 Nicephori.

eana quæpiam doctrina continetur, tanquam velis quibusdam, ita verbis talibus absconduntur, quæ multam caliginem secum trahunt, & tenebras lectorum oculis offundunt.

A T H E O L O G I A ad
J U R I S P R U D E N T I A M,
transeamus : quam, si quis in
ejus qualis ubique ferè obtinet
usum inquirat, fontesque
adeò ipsos penitus introspi-
ciat, in verbis eam plerunque
vel ambiguis distinguendis,
vel obscuris elucidandis ver-
sari intelliget. Ipsas quidem
leges, quæ veræ tales, id est,
rationi consentaneæ sunt, ab
alio longè fonte, naturali æ-
ternoque, repetendas, divinis
illis suis Cicero quos *De Le-*
gibus post Platonem conscrip-
psit

psit libris accuratè probavit. Nos verò cum Jurisprudenciam dicimus, eam intelligimus artem sive peritiam, quæ legum non conditrix, sed interpretis est. Cùm verò in tantâ verborum paucitate, rerum (ut non unus queritur Aristoteles :) infinitati minimè respondentium, mutatis præsertim moribus, facilè subrepat ambiguitas ; atque ipsâ vetustate tanquam sipario quodam veterum legum sermo obductus à paucis intelligatur, latus hinc consultorum Juris industriæ pateat campus necesse est.

In pactis etiam, fœderibusque, quorum vel privatis inter se, vel integris populis & regnis ad tuenda commercia quotidianus usus est, concipiendis

endis & interpretandis, magna interdum oriuntur super verbis controversiæ, in quibus ad Jurisconsultos recurrendum est. Quale quod alicubi notatum Ciceroni de vera verbi *comiter* significatione, quod in fœdere quodam Romanorum pro *communiter* esse positum nescio quis, in causa ipsi adversus, contendebat. Nuperque adeo de verbi *Conventus* usu vero legitimoque diu multumq; in Synodo Tridentina, pendentibus interim maximi momenti rebus suspensisque ob hanc unam voculam potentissimorum principum literis & negotiationibus, litigatum est.

Sunt præterea à Jurisconsultis excogitatae partim ad pompam, partim ad quæstum formulæ,

formula, in quibus non tam rem ipsam, quam solennia verba spectari, ut à quibus vel in minimo apice discedere sit nefas, res ipsa loquitur. Non immeritò igitur Labeo Antistes Jurisconsultus antiquus celeberrimus, ab hac verborum peritiâ ab A. Gelio præcipuè celebratur; *In Grammaticam*, inquit, *sefe atque Dialecticam literasq;* antiquiores altioresque penetraverat, *Latinarumque vocum origines rationesque percalluerat*, eaque præcipuè scientiâ ad enodandos plerosque juris laqueos utebatur.

Hinc etiam quod non modò *De verborum significatione* peculiaris extat & accuratus in *Pandectis* tractatus: sed in reliquis etiam Juris istius.

stius libris, ut & Principum
Constitutionibus de verbis tam
 multa passim reperiuntur. In
 Justiniani certè, ut alia omit-
 tam, *Novellis*, καὶ ὁρθότητι ἐν-
 μέτων, item καὶ τῇ παλαιᾷ ἐν-
 μέτων σιμνότητι, insignes ali-
 quot loci: adeò non con-
 temnenda aut otiosa res est,
 verborum cùra; quam ad su-
 am curam pertinere magni
 Imperatores sibi laudi duxe-
 runt, & adeò publici interesse
 crediderunt, ut quibus legi-
 bus publicæ salutis & securi-
 tati providebant, iisdem &
 verborum proprietati, non
 minori prope sollicitudine,
 caverent.

Cæterum locus hic De ver-
 borum minutiis & apicibus ad
 Juris controversias deciden-
 das quia à Cicerone in *Ora-
 tione*

Διατ. γ'. Τὸ
 τὴν ἀσφαλείαν
 τῶν, &c.
 Διατ. ιε'. Εἰ
 μὴ δαπνῶν ἐ-
 πανδρῶν
 μιν, &c.
 & alibi
 passim.

ratione pro Cacina in utramque partem accuratissimè pertractatus est; ista autem *Oratio* quia ob verborum quorundam rituumque veterum ignorantiam multa caligine obsepta est, nec adhuc à quocquam quod sciam satis illustrata: nonnulla quæ ad ejus intelligentiam b. m. parens sibi commentatus in *Adversaria* sua retulit, hic in usum lectoris depromere non pigebit.

¶ *Ex jure manu consertum
vocare.*

In rem præsentem venire.

Interdictum, Vnde vi.

Moribus de fundo deduci.

Veteris juris Romani cum alia sunt quæ per fictionem quandam gerebantur: tum imprimis quæ ad bonorum possessionis

possessionis cōtroversias per-
 tinent. Moris enim fuit quo-
 ties de agro quopiam institu-
 ebatur controversia, ut liti-
 gatores de amicorum senten-
 tia diem inter se sumerent,
 qua die *in rem præsentem*, h.e.
 in agrum illum unà venirent,
 & in eo agro vim alter alteri
 faceret, & *de fundo deduce-
 ret*. sic enim ait Cicero 2.
 228. de Cæcina, eum voluisse,
*De fundo moribus deduci vel
 detrudi*, quod fuit olim ver-
 bum legitimum. 2. p. 233.
 Atque hoc vocabant, *Ex ju-
 re manu confertum vocare*.
 vide Gell. 20. 10. qui vim
 hanc non veram & solidam,
 sed fictam & simulatam, *vim
 civilem & festucariam* vocat.
 Notandum verò quod ille ait,
 olim prætorem cum reis in
 rem

rem præsentem venire solitos : postea institutum ut vis festucaria sine eo fieret, & ut inde aliquid, puta glebam, in urbem ad prætorem deferrent, & in ea gleba tanquam in toto agro vindicarent. Deinde qui detrusus erat à Præ-tore ex *edicto* ipsius postulabat, ut *unde vi* dejectus esset, cum possideret, eo restitueretur. Prætor decernebat, ut in causa Cæcinæ factum : Cæcina verò qui jussus erat restitui, cum ab Æebutio peteret, ut se restitueret ; respondebat adversarius, se restituisse ; Cæcina vero se restitutum negante, sponsio facta est de more. Porro mens Æebutii se restituisse dicentis fuit, se *edicto* Prætoris paruisse, qui non aliter scilicet restitui juberet,

juberet, nisi fuisset ejectus: atque ejectum fuisse aut omnino potuisse ejici ex eo fundo Cacinam negabat Aebutius: cum quidem, inquebat, fundum illum Cæcina nunquam possederit. Post sponsionem factam Recuperatores sumebantur, apud quos quærebat, restitutusne esset annon, qui fuerat jussus restitui. Hoc autem judicio ita adumbrato revera nihil aliud quærebat, quam uter possideret. Nam si dejector adversarium dejectum non possedisse probare poterat, vincebat, & edicto prætoris paruisse judicabatur. Quippe qui non aliter restituere jussisset, nisi possessor verus fuisset dejectus. Obsecro verò quantæ hic ambages & circumductiones ut tandem

dem ad suum jus posset quis pervenire.

Sæpe autem factum ut profecta vi, vera fieret; & adhiberentur armati; quod ab Aebutio fuit factum. tum erat locus Prætoris interdicto
DE VI HOMINIBUS armatis. Cicero. 2. 229. At ex ejus p. 232. apparet solitum fieri cum ad vim faciendam moribus veniretur, si quos armatos quamvis procul conspexissent, ut statim testificati discederent, optimeque sponsonem facere possent,
NI ADVERSUS prætoris edictum vis facta esset. Multa ad hanc rem videbis Ciceron. 2. p. 341. Ubi sane verissimè mihi videtur Cicero istiusmodi Juris figmenta, &c. Hæc ille.

Cic. III. De
Fin. Vt o-
mittam has
artes elegan-
tes & inge-
nuas, ne opi-
fices quidem
zueri sua ar-
tificia pos-
sent, nisi vo-
cabulis ute-
rentur nobis
incognitis, u-
sitatis sibi.

A JURISPRUDENTIA
ad MEDICINAM transitum
faciemus, illustri elogio in ju-
re Romano nobilitatam; Hie-
ronymo, severo alioquin cen-
sori, *scientiam mortalibus vel
utilissimam*. Ut autem nulla
omnino est scientia, nulla ars
sive liberalis sive sellularia,
quæ non habeat sua *ἑρμηνεία* vo-
cabula, quorum cognitio ad
artis perceptionem planè ne-
cessaria; ita nulla quæ tot e-
jusmodi verbis & nomencla-
turis abundet, quot ars Medi-
ca. Vel sola morborum no-
mina, quanta turba, quam
densum agmen, cùm unius a-
licujus particulæ ultra centum
vel bis centum varia *ἰσθῆναι* pro-
clive sit enumerare. Jam her-
bæ, jam pharmaca simplicia
&

& composita, jam rei anatomica propria; qualis & quantus apparatus, quam infinita supellex, si quis omnia diligenter percenseat? Horum omnium proprietates & differentias accuratè pernoscere operosum magis sit, an docto medico necessarium, non facilè dixerim. Quod vulgò perhibetur ad rerum cognitionem verba conducere, de medicorum verbis id tantò magis dixerim, quod pleraque cum Græcæ sint originis, quæ in componendis verbis supra omnes alias linguas audax, & felix est; naturam aut proprietatem aliquam rei cui sunt imposita, magnam partem satis felicitè indicant & exhibent.

Sed difficultatem non pa-

G

rum

rum auget, quod verba antiqua cum remaneant, usus tamen in multis immutatus est, ut idem verbum, (herbæ puta, aut radicis alicujus, vel etiam morbi fortasse:) aliud nunc vulgò significet, quàm olim vel Hippocratis ætate, vel Galeni. Quâ de re cùm multa passim notata sint à Medicis, tum verò non contemnenda quædam à doctissimo Bellonio *Observationum* suarum lib. I. c. 2. Quàm periculosus autem error in istis sit, in quibus vitæ ac necis res agitur, quis non intelligit? ut si vel herba aliqua, cùm in multis magna sit literarum affinitas, quarum tamen est natura diversissima; vel etiam morbus, in tantâ caterva nominum, alius pro alio sumatur.

Imperi-

Imperitiam sui temporis medicorum notat alicubi Galenus, qui cūm *σενύρες* in Hippocrate suo legerent, nec *τὴν ὕεσ* puram putam vocis esse (ut loquuntur Grammatici) terminationem intelligerent, sed *ὕρεον* nescio quid à divino sene quasi compositā voce innui (quod Galenus allatis ex poetis veteribus exemplis refellit,) somniarent: homines ridiculi, sed non ridendo ab illis, quorum intererat, errore, ægrotis suis sua somnia propinabant. *Comperi vulgò*, ait Plinius *Historia Naturalis* conditor, pro cinnaberi Indica in medicamentum addi, inscitia nominis, quod esse venenum docebimus inter pigmenta.

Hoc Plinii in mentem mihi

G 2

reducit

Hæc eadem vox, sed in contrariā notione posita, Aristomacho Duci, non intellecta fuit exitio: *καὶ γὰρ Αἰσχύλῳ καὶ νεωτεροῖς τὴν σενύρεον, ἢ μὲν πρόθυμον καὶ τὰς τριήρεις κατέλυσεν· διὰ δὲ τὴν ἰσθμὸν παρεσθαι λαν, ἢ βίον κατέλυσε.*

Theodor.
Oreogr. l. x.
Vide & Euseb. Prepar.
Evangel.
lib. v.

Plin. Nat.
hist. l. 29.
c. 1.

reducit quod nuper in Gallico libro, de auripigmento legebam. Solent multi, quibusdam non de plebe medicis ita jubentibus, ad amolendum pestis contagium, arsenici sive auripigmenti (quod *orpin* vel *orpiment* ex *auripigmento* corrupto contractoq; vocabulo vulgò vocant) facculos de collo suspendere. Hunc autem morem celebris libri qui *Medicus Pius* inscribitur, Author vehementer abominatur, idq; planè contrà non paucis cessisse, qui hoc amuletum gestantes, vim ejus non salutarem, sed exitiosam sint experti, ex aliorum fide comprobat. Quia autem nullâ plane ratione niti hunc usum contendit, quis tam fatuo mori in vehendo

hendo causam error præbuerit, inquit; & hanc suam (ingeniosam certè, an & veram, aliorum esto qui profitentur ista, iudicium:) conjecturam proponit. *Cassiam aromaticam*, ait ille, vocant Arabes *Darseni*; nos, auripigmentum vulgò (quod nemo nescit) *arsenicum*. An igitur aliquis cum pulverem *Darseni*, live cassiæ aromaticæ ad hunc usum ab Arabe aliquo commendatum legisset; ad notum sibi *arsenicum* (vel ut Galli scribunt *Darsenic*;) in verbo hallucinatus imprudens transtulit? Id autem postea subtilior aliquis physiologus (ut in pluribus aliis quæ ab errore nominum profecta sunt;) rationibus adstruere conatus est; quem

alii postea, autoritate ipsius inducti, secuti sint ? Cætera apud ipsum legantur. Meum autem non est de istis pronuntiare ; nec eo animo refero, ut ipsius litem meam faciam. Sed cum multa talia, sexcenta ausim dicere, in medicinâ aliisque artibus, ex errore nominum verborumque nata, contigisse certum sit ; & ex recenti lectione docti viri conjectura memoriæ hæreret, & se ultrò offerret, non indigna visa est quam lectori impertirem.

Quod autem asserit vir doctus Cassiam ab Arabibus *Darseni* nuncupari ; *Cinnamomum* certè دار سينى

Darsini ab illis dici docet vir doctissimus, & de linguis orientalibus

entalibus meritissimus, Thomas Erpenius, quasi dicas, *Domum Chinensem*: an eò respexerit, incertum mihi. Sed quod à viro docto omissum miror, ut quod ad ejus conjecturæ confirmationem non parum facere mihi videtur, arsenicum vocant Arabes iidem (an ex græco *ἀρσενικόν*, an potius ex illo Græcum:)

زرنیج Zarnich, quod magnam cum arsenico habet affinitatem, ut alterum pro altero ab oscitante lectore sumi facile potuerit.

Ad PHILOSOPHI-
AM, transeamus. Atque hic ipso statim vestibulo *Dialectica* occurrit; cujus in verbis aut circa verba præcipuus

G 4 labor:

labor: utinam non & irritus in perquam multis, inanisque. Non id quidem ex ipsius adeò naturâ, quæ aliud proficitur; quàm ex colentium pravitate: unde Senecæ aliorumque graviorum quorumque philosophorum crebræ querelæ & justa indignatio. Sed hic quoque locum habet illud, longam constantemq; consuetudinem in naturam vertere. Certè si quis illam quæ veteribus in usu maxime, quæque Stoicos philosophos auctores & propugnatores præcipuos habuit, dialecticam, cum recentiore, quæ sequioribus sæculis ex Aristotele emerfit, & hodie viget ut plurimum, conferat; discrimen agnoscet mirum quantum, vix eadem res ut videri

videri possit : id tamen utri-
 que fatale comperiet, ut non
 tam scientiarum instrumenta,
 quàm verbalium, si fas ita lo-
 qui, præstigiarum & λεπτολογίας
 promptuaria meritò cense-
 antur. Sed hoc præterea pe-
 culiari laborat infortunio re-
 centior Dialectica, quod ex
 malè intellectis aut versis, ob
 imperitiam linguæ Græcæ, A-
 ristotelis locis innumera quæ-
 stiones enatae sunt, quæ nul-
 lum non in rebus modò, sed
 nec in verbis, veris & rectis,
 habent fundamentum : ut si
 quis pravâ illâ verborum, I-
 liados initio, διαστήτω ἐρίδης,
 lectione, de *Steta* muliere, si
 Diis placet, Homericâ, quæ
 genus, unde loco, & id genus
 alia prolixè quæreret & com-
 mentaretur ; cùm nec ulla ta-

lis mulier, sed nec ullum tale nomen vel commune vel proprium, poetæ, quod quidem sciamus, vel per somnium in mentem venerit. *Nominali-
um* præterea nota secta est, quibus, quæ pro rebus alii feriis & gravibus sectantur & amplectuntur, voces & verba mera sunt. Sed hæc ab aliis observata.

Quid quod in hoc ipso *Dialectica*, sive *διαλεκτικῆς* vocabulo ob ambiguitatem verbi non pauci impingunt? Non enim eo nomine ars illa tantum, quæ alio nomine vulgò *Logica* nuncupatur, insignita est: sed ipsa scientiarum scientia Metaphysica, aut si quid supra Metaphysicā, quod scientem ac prudentem Universi quàm latè patet, (τῶν πάντων

αὐτὸν ὡς ἀπομύνηται,) ex rationis præscripto, ad usum vitæ, contemplationem complectitur : quo sensu etiam verbum διαλεκτικῆς apud veteres philosophos non rarò occurrit : ut mirum non sit, si maxima quæque huic arti (ita enim vocant,) à veteribus tribuuntur, quæ ad vulgarem dialecticam ab imperitis, aut minùs attentis quibusdam traducta sunt.

De morali Stoicorum philosophiâ, quæ olim florentibus ingeniis & studiis maximarum dissensionum & contentionum materia fuit, jam aliquid antea, cùm de Senecâ loqueremur, attigimus. Sed liber Ciceronis qui *De finibus* inscribitur quartus totus ejus argumenti est, ut probet Stoicos

cos solâ verborum pompâ & subtilitate, non rebus ipsis, à reliquis philosophis dissentisse. Nempe quod alii *bona*, illi *producta*, vel *præposita*; quæ *mala*, illi *rejeçtanea* malebant appellare: quæ *expetere* se fatebantur alii, ipsi, non rebus, sed verbis indicto odio, *legere* se profitebantur: quod aliis erat *optare*, ipsis *sumere*; quod *fugere*, illis *secernere*. Hæc quidem argutiæ, quis neget? & præstigiæ verborum. Sint sanè: sed *ex his verborum præstigiis* & *regna nata sunt vobis*, & *imperia*, & *divitiæ*: dicebat ille olim. Et dicebat ille quidem ad decantatissima illa disciplinæ istius *paradoxa*, si-ve *mirabilia*, præcipuè respiciens. Sed seriò & extra jo-
cum

cum ita sæpe contigisse, ut per has aut similes verborum præstigias ad magnas opes & imperia sive dignitates via pateret, testes illorum temporum historiæ.

In naturali Philosophia quàm multa peccata sint; quàm multa tradita à veteribus, à posteris autem ex imperitiâ verborum non intellecta, contra naturæ leges incensum naturæ vulgò recepta sint, qui de rebus naturæ, cum judicio & diligentia scripsere, passim observant. Unum nominare sufficiat nunquam satis laudatum, Julium Scaligerum, qui eo nomine verborum incuriosis non uno loco graviter succenset. Sed quid multa? Quàm rerum maximè sublimium & reconditarum

ditarum studium à verborum
 curâ separari non possit, haud
 aliunde meliùs discamus quàm
 ex incomparabili naturæ my-
 stâ, Aristotele, qui in divino
Metaphysicorum opere inte-
 grum librum *terminorum* ex-
 plicationi dicavit.

Caterum quia ex omnibus
 Physicorum sive Metaphysi-
 corum *terminis* obscuris nulli
 sunt in quibus explicandis vel
 doctissimis aqua magis hære-
 at ; nulli vëro, si res ipsa spe-
 ctetur , explicatu digniores,
 quàm sunt isti duo, τὸ τί ἦν εἶναι,
 & ἐντελέχεια : quæ b. m. paren-
 tis Isaaci Casauboni super iis
 sententia fuerit ; aut saltem,
 quod ad illorum explicatio-
 nem pertineat ; ex locuple-
 tissimis ejus *Adversariis* in
 candidi lectoris, antiquæ phi-
 losophiæ

lophiæ & Aristotelis aman-
tis gratiam non pigebit hic
adscribere: sed hac tamen
(ut & alia, si quæ postea ex
illis pariter publicabimus:)
conditione, ut si quid vel in
verbis, vel in rebus ipsis, ipso
& cæteris ejus scriptis minùs
dignum occurrat, ad me cul-
pa pertineat, qui inconsulto
aliis gratificandi studio pub-
licaverim; non ad illum, qui
non eo animo, nec eâ vel re-
rum vel verborum meditatio-
ne scripsit, ut publicarentur.

¶ Τό τί ἦν ἐν).

Sic solet Philosophus ap-
pellare τὸ ἐπὶ, ut fusè in
Metaphysicis explicatur. Sic
autem σύνταξις hæc locutio est
accipienda. Aristoteli κύκλῳ
ἐν) & κύκλῳ ἐν) idem significat,
ut notat ipse Metaph. lib. 7.

c. 10. τὸ γὰρ κύκλῳ εἶναι, inquit,
 καὶ κύκλῳ, καὶ ψυχῇ εἶναι καὶ ψυχῇ, τὸ αὐτό.
 Hoc Latini dicere solent, *Esse
 circuli & esse hominis*. Ergo
 τὸ πᾶν εἶναι, est id quod alicui
 inest, & facit ut sit aliquid:
 nempe forma quæ inest ma-
 teriæ. εἶναι, hoc est, ut sit ali-
 quid. puta, homo. Nam for-
 ma facit ut res sit quod est.
 Veruntamen si propius atten-
 das, non est idem ψυχῇ εἶναι &
 ψυχῇ. nam illud formam signi-
 ficat, hoc τὸ σύνολον. Itaque The-
 mistius in lib. 3. *De Anima*
 verè: ἄλλο μὲν ἐστὶ ὕδωρ, ἄλλο δὲ ὕ-
 δατι εἶναι. ὕδωρ μὲν γὰρ τὸ ἐξ ὕλης καὶ σῆ-
 δος. τὸ δὲ ὕδατι εἶναι, τὸ εἶδός ἐστι τῆς ὕ-
 δατος, καὶ κατὰ τὸ ἐστὶν ὕδωρ. Idem
 tamen paulò post exceptio-
 nem adjicit, docens in iis quæ
 materia penitus carent idem
 esse εἶναι τινὶ & τί. sic ille: ἀλλὰ ἐν

ὅτι πάντων ὁμίας. ὅτι ἐνίαν ὃ ταύτων
 ἐστίν. ὅτι στιγμὴ καὶ στιγμὴ (ἔῃ), ἢ εἴτε αὐλον
 παντελῶς καὶ ἀπλῆν, ἐφ' ᾧ ὁ λογιστὴς
 τί ἦν (ἔῃ), καὶ τὸ εἶδ' ἡ καθ' ὃ ἐστίν, ταύ-
 τόν ἐστιν ὅλη τῇ φύσει τῷ περιφραζομένῳ.

Porro Aristoteles veluti ex-
 plens hanc phrasin interdum
 dativum, interdum accusati-
 vum adjicit : ut in Metaph. 5.

τὸ ὃ καθ' αὐτό ἐνα μὲν ἔστιν, τὸ τί ἦν (ἔῃ)
 ἐκείνου, ὅτι ὁ Καλλίας, καὶ τὸ τί ἦν (ἔῃ)
 Καλλίαν. & iterum Aristoteles
 alibi.

¶ Τὸ τί ἦν (ἔῃ). Quærent quid
 hic significet τὸ ἦν. Respon-
 deo, ita loqui passim Aristo-
 telem. De partib. lib. 1. c. 1.

ἐπεὶ δὴ τῷτε ἦν τὸ ἀνθρώπου (ἔῃ), διὰ τῷτε
 ταῦτα ἔχῃ. De partib. l. 2. c. 3.

φανερὸν ὅτι τὸ αἷμα, αἰδὶ μὲν ἐστὶ περιττόν,
 οἷόν τι ἦν αὐτῷ τὸ αἵματι (ἔῃ). Ubi

notabis distingui τὸ ὑποκείμενον.
 sequitur enim τὸ δ' ὑποκείμενον καὶ
 ὅποτε ὧν αἰματὶ ἐστίν.

Amicus

Amicus noster Peroldus exponebat servata propria significatione τὸ ἦν, *erat*: & rei formam ita appellari dicebat, quia potentia per formam educitur in actum.

¶ Τὸ τί ἦν εἶναι. Frustra fatagunt docti ut comminiscantur acutam aliquam interpretationem hujus phraseos, qualem probare mihi aliquando volebant magnus B. nam aliud nihil significat nisi, *quid sit esse alicui rei*. i. e. quid illud sit quod ejus εἶναισιν constituat, aut potius οὐσανσιν. vide locum Galeni tomo 3. p. 42. v. 45. ubi pro τὸ εἶναι, τὴν οὐσαν nullo discrimine usurpat.

¶ Ἐνυπνία. *Amb. somnium.*

Legebam præfationem viri magni Ph. Canai à Fr. in libros *De Animâ* à se versos Gallicè.

Gallicè. ibi inveni hanc observationem : Aristotelem & Doctrinam de animâ, & vocem *ἐντελέχεια* ab Hebræis accepisse ; sed dissimulandæ origini τ pro δ posuisse : cujus rei probatio affertur è Luciano in judicio vocalium. Hæc ille. Obstupui cum illa legerem : neque enim putabam fieri posse, ut tam elegantis ingenii vir tantas nugas vel audire vellet. Est vero A. quæ ipse unicum unicè miratus est, vanissimum, putidissimum, stultissimum somnium. Nam falsissimum est Aristotelem vel rem vel vocem ab Hebræis sumpsisse : neque hoc potest excogitari aliquid magis ridiculum. Planè id perinde est, ut si quis cum pulcherri-
mam arborem cerneret fru-
ctibus

ctibus onustum & gravem :
vellet tamen negare in ea ar-
bore fructus illos esse natos.
Idem enim est de scriptis phi-
losophi.

Caterum non explicat Ca-
naius neque unde derivaret
aretalogus ille hanc vocem :
neque quam significationem
illi daret ; sed non dubito,
quia per *d* voluit scribi, deri-
vasse à קלל *accendit*. Tò *v* e-
rit formæ niphāl : ת *e* for-
tasse adscribebatur emphasi
תו ה Hæbræorum. moriar si
quid possit fingi alienius à
vero. Ita ille.

H A C T E N U S de præ-
cipuis scientiis aliquid : quæ
quidem quia præceptis scri-
ptisq; doctorem tam prisco-
rum quàm recentiorum ut
plurimum

plurimum continentur, minus mirum fortasse videri cuiquam possit, si verborum cognitionem non perfunctoriam requirunt. Superest igitur ut ad ea nos convertamus, in quibus siue gerendis siue percipiendis naturalis quædam ingenii solertia, & experientia, rerum magistra, sola regnare creduntur: à verbis autem, utpote quæ umbram & otium potius quàm aliquem vitæ negotiosæ usum redoleant, remotissima vulgò perhibentur. Nos contra sentimus, verborum rectè ritèque perceptorum utilitatem ad omnes scientias & artes longè latèque pertinere: in politicis autem & vitâ communi plurimum illa posse: ut si alicubi præcipuè statuendum sit quoddam

quoddam quasi regnum verborum, non alibi collocandum censeam. Huic rei argumenta quæ mihi sint, paucis ostendam.

Hominem à brutis animalibus rationis usu præcipuè differre, nemo, rationis ipse compos, dubitaverit. Cæterum qualis & quanta sit humani intellectus depravatio, aut id undè contigerit, non est hujus loci quærere: obviæ sunt philosophorum super eo tum querelæ graves, tum peracutæ commentationes. Neque hic de prudentioribus & sagacioribus agimus, quos vel acrius ingenium, aut multo labore comparata doctrina supra sortem ^{et} evexit. His omiſſis, cæteram turbam si spectemus, quotuſ-

quotusquisque qui per ἀλλὰ
illam Homericam, intus tur-
bantem ; per tam varios ex-
tra colores, oculis illudentes;
per tot imagines oppositas,
luminibus obstruentes ; ad ip-
sam rerum veritatem pene-
trare possit ? Nihil autem
porro quod humanæ rationi
frequentius aut perniciosius
imponat, quàm verborum fu-
cus & prætextus.

Nec fortasse mysterio va-
cat quod in omnibus ferè lin-
guis, in præcipuis certè, moris
hujus inter homines receptif-
simi certa quædam quasi ve-
stigia, sive indicia sunt im-
pressa. Unde enim factum di-
cemus, quod in principe lin-
gua uno eodemq; verbo tum
res tum verba significantur ?
Quod in eâ quæ tum digni-
tate

tate tum antiquitate illi proxima, ratio oratioq; uno eodemque *ἡ λόγος* sunt insignita vocabulo? quod in Latinâ denique, non tantum *ratio* & *oratio* adeò sint & literis & pronuntiatione affinia; sed ipsum *res* (ut doctis notatum:) à verbo Græco quod *verbum* vel *diCTIONem* significat oriundum sit?

Hoc igitur viri politici quibus cum populo *res*, cum pro suâ prudentiâ rite observassent, quàm id suis rebus peritè accommodaverint, omnium populorum & ætatum testatur experientia. Quod alicubi Plato de Musicâ, leges musicas mutari sine mutatione legum publicarum non posse pronunciat; nos contra de verbis, magnas in rebus

bus publicis commutationes fieri sine verborum mutatione non posse, potiori fortasse jure contendamus. Neque id omiserunt Historici quicunque de meliori nota.

Thucydides, gravissimus ille & sapientissimus Historiorum, lib. 3. de Corcyreorum seditione loquens: καὶ πλὴν ἐισθῆσαν ἀξίωσιν τ' ἐνμέγων ἐς τὰ ἔργα ἀντήλλαξαν τῇ δικαιοσύνῃ. τόμα μὲν γὰρ ἀλόγιστος, ἀνδρεία φιλέταιρ' ἐννομία, &c. Idem l. 11. de Pericle, Ἐμήνετο τὰς λόγων μὲν δημοκρατία· ἔργῳ δ', ὑπὸ τοῦ περὶ αὐτοῦ ἀνδρὸς ἀρχή.

Salust. *De Bello Catil.* in Catonis Oratione; *Hic mihi quisquam mansuetudinem & misericordiam nominat? Jam pridem equidem nos vera rerum vocabula amisimus. quia bona aliena largiri, liberalitas;*

tas ; malarum rerum audacia, fortitudo vocatur. eò respublica in extremo sita est. Idem alibi, Namque uti paucis verum absolvam, per illa tempora quicunque rempublicam agitare, honestis nominibus, alii, sicuti jura populi defenderent ; pars, quò senatus auctoritas maxima foret, bonum publicum simulantes, pro suà quisque potentia certabant.

Cornelius Tacitus in Cerealis Oratione, Sed quia apud vos verba plurimum valent, bonaque ac mala non suà natura, sed vocibus seditiosorū aestimantur, &c. Et ibidem paulò post, Caterum libertas & speciosa nomina pratextuntur, nec quisquam alienum servitium & dominationem sibi concupivit, ut non eadem
ista

ista vocabula usurparet. Idem alibi lib. I. Quæ usquam provincia, quæ castra sunt nisi oruenta & maculata? aut ut ipse prædicat, emendata & correctæ? nam quæ alii scelera, hic remedia vocat: dum falsis nominibus severitatem pro sævitia, parsimoniam pro avaritia, supplicia & contumelias vestras, disciplinam appellat. Idem de Tiberio callidissimo principe: Proprium id Tiberio fuit, scelera nuper reperta priscis verbis obtegere.

In eandem sententiam plura apud illum prudentissimum Historicum; nec illum tantum; quæ nos hic omitimus.

Consona sunt his quæ passim veteres Patres aliquæ de

ortu hærescum ex verborum
 immutatione (τὴν διὰ ἑνομήτων
 παρρησίαν solent illi nuncupare)
 aut in aliam significationem
 detortione passim observant.
 Qualia sunt ista Greg. Nys-
 seni contra Eunomium : καθάπερ
 οἱ θηρεύοντες λέγονται βέβηρος τισιν ὑπε-
 λαμβάνειν τὴν θηρίαν τὴν πάροδον , κριπ-
 τεῖν ὃ τὴν ὀπίκερλῶ διὰ σταθερῶν τινῶν καὶ
 ἀνυπερσάτων τὰ σώματα τὴν βέβηρον ὀπιχα-
 λυπλόντες ὡς ἂν * ὑπέπεδον φαίνοιο τῶν
 παρακλειμένων τὸ βέβηρον * τριῖτέν τε μηχαν-
 γάται καὶ τὴν ἀνθεσπῶν ἢ αἵρεσις , τὴν βέ-
 βηρον τὴν ἀσέβειας διὰ τὴν εὐφήμεων τέτων καὶ
 εἰσεβῶν ἑνομήτων οἷον διὰ τινος ὀπιπολαίης
 εἴρης ὀπιχαλύπτουσα , ὥστε τὰς ἀλογωτέρας
 ταυτὸν εἶναι τῇ ἀληθινῇ πίστει τὸ τέταν
 κήρυγμα διὰ τὴν τὴν ῥημάτων ὁμολογίας νο-
 μίζοντας , ὡς φηλὸν τὸ ἑνόςμα , &c.

*Quæadmodum venatores præ-
 ripere foveis quibusdam fera-
 rum accessum [potius, Quem-
 adm.*

* γρ. ὀπίπε-
 δον.

adm. ven. foveis quib. prate-
reuntes feras excipere, vel, in-
tercipere :] dicuntur, insidias
autem putridis quibusdam o-
perculis & soliditatem non ha-
bentibus orificia fovearum co-
operientes occultare, ut pla-
num adjacenti profundum vi-
deatur : [potius, ut quod pro-
fundum est, eo quod adjicitur,
vel opponitur, planum videat-
ur :] tale quiddam adver-
sus homines hæresis machina-
tur, foveam impietatis per hæc
fausta & pia nomina veluti
quodam superficiario tecto con-
tegens : ita ut qui minus ra-
tionis judicio valent, idem cum
vera fide horum præconium per
verborum confessionem existi-
ment ; ad exile nomen, &c.

Ibid. "Εὰς γὰρ ἀν' ἡ συνήθη κατὰ
συνήθη τ' ἡλικίαν καὶ μὲν οὐκ ἐνδοξοῦται

λόγος ὁ μετασκαυδζων εἰς τὸ ἐναντίον πρὸς τὰ
ῥημάτων ἰσοδοσις, ἡ ἐνδέχεται, &c.

*Donec enim dictionum fami-
liaris significantia pravalue-
rit, & nulla inveniatur ratio
quæ verborum in contrarium
transmutet notas significatio-
nes, non fieri potest, &c.*

Ibid. Καὶ δεῖ πάντως εἶγε μὴ μέλ-
λοιμεν σύγχυσίν τινα τῶν περὶ ῥημάτων διὰ
τῶν ὀνομάτων ὑποαλλαγῆς ἰμποιεῖν, σὺν-
ζῆν ἐκείνῳ τῷ ῥήματι τὸ λεγόμενον τὸ οὐκ αἰσ-
ουασθαι μένον. φανερόν ἐν εἰσὶν τῶν
λέξεων τῶν ἐναντίων, &c. *Et nisi
rerum confusionem quandam
per nominum immutationem
inducere velimus, omnino oportet
cuique relatorum suam &
propriam servare significa-
tionem. Cum sit itaque ha-
rum dictionum notitia manife-
sta, &c.*

Idem lib. XII. οἱ ὅ τ' ἔτι
φύσιν

φύσιν τῶν ῥημάτων ἑμφάτως τοὺς φωνὰς ταύ-
 τας παρεκινήσεις, ἄλλαν αὐτοῖς ἐφαρμό-
 ζειν διάνοιαν ὅτι καθαίρειται τὸ εὐσεβὲς
 φιλονεικεῖται. ἰσοδυναμίας γὰρ &c. *Hi*
vero istas voces ab ea quæ est
secundum naturam genuina
significatione dimoventes sive
detorquentes aliam ipsis ac-
commodare intelligentiam ad
pietatis everisionem perversè
contendunt. Cum enim, &c.

Nec aliter in privatâ
 consuetudine misceri & in-
 verti vocabula, atque ex i-
 sta verborum inversione cri-
 minosos haud rarò attolli,
 immerentes infamari, offi-
 cia perverti, jura confun-
 di, vitia denique virtutum,
 virtutes vitiorum elogiis in-
 scribi, proscribi, vulgò vi-
 dere est. Notatum id mul-
 tis. Apud Suidam nescio quis

Cicero: Nam in Ἐγκυκλ. Καὶ ἡ σωήθεια ὅ πλήρης
 & prudentiā τ' ταύτης χρίστας· μεταλαμβάνοντες αὖ
 malitia; & τὰ ὀνόματα πρὸς τὰ ἑμφατικώτατα· τὸ
 temperanti- κειδῶν εἰς τὸ γελᾶν· μεταλαμβάνουσι ὅ καὶ
 am immani- τ' πανόργον εἰς τ' φρόνιμον· τ' ὅ παλιν-
 tas in volap- εῖν, εἰς τ' αἰδρεῖον· τ' σπᾶν, εἰς τ' ἀρ-
 tatibus asper- γὸν καὶ ἀκίνητον· τ' ἐλευθέριον, εἰς τ' ἄσω-
 viandis; & τεν· τ' ἱκενομικόν, εἰς τ' ἀνελεύθε-
 magnitudinē eon· &c. Quintilianus lib. xi.
 animi super- *Verborum etiam moderatione*
 bia in animis *detrahi solet si quæ est rei in-*
 extollendis, *vidia; si asperum dicas, nimi-*
 & deficien- *um severum; injustum, per-*
 tia in con- *suasione labi; pertinacem, ul-*
 temnendis ho- *tra modum tenacem esse pro-*
 noribus; & *positi, &c.*
 liberalitatem
 effusio; &
 fortitudinem
 audacia imi-
 zatur; & pa-
 zientiam du-
 vitia imma-
 nis; & justi-
 ziam ambi-
 zis; & reli-
 gionem superstitio; & lenitatem mollitia animi; & vere-
 cundiam timiditas; & illam disputandi prudentiam con-
 sertatio captatioque verborum; & hanc oratoriam vim, in-
 anis quedam profluentia loquendi.

Planè quod in figuris qui-
 busdam poeticis usu venisse
 notat

notat idem Quintilianus, quibus, quia plerunque servire metro Poetæ coguntur, adeò ignoscitur, ut *vitia ipsa aliis in carmine appellationibus nominentur*: (*metaplasmos enim & schematismos & schemata vocamus, & laudem virtutis*, ait ille, *necessitati damus*:) id ad mores & vitam quotidianam, sed tantò peiore exemplo, quantò minùs hic necessitati locus, traductum est. Vitia virtutesque prout studia & partes abripiunt, vario verborum colore depingimus: aliis atque aliis nominibus eadem pro variis affectibus aut temporibus appellamus. Vt non immeritò vitæ olim futuræ melioris & beatioris hoc inter alia indicio & caractere u-

El. xxxii.
v. 5.

sus sit propheta : *Neque flagitioso amplius indetur nomen ingenui, & tenax non dicetur liberalis.*

Non igitur audiendus, hîc quidem certe, Gregorius Nyssenus, qui *μόνον τῷ ἐν μέθῃς ἢ φρενίτιδι παρορμαζόντων τὸ διαπλανᾶσθαι πρὸς τὰ ὀνόματα καὶ μὴ κατὰ τὸ σημαίνοντα ἢ ὅτι τὰ παρορμαζόντων κατὰ τὴν φωνήν* esse pronunciat. Sanè qui *canem* pro *homine*, vel *hominem* pro *cane* palam substituat, quibus ibi Nyssenus exemplis utitur, vix effugiat, quin pro *cerrito* & *circumferendo* vulgi sermone differatur : qui verò de *sobriis intemperantes*, aut *intemperantibus sobrios*, (quæ itidem exempla ab illo adhibentur :) faciant, aut certè facere possunt ; tantum abest ut pro
insanis

infanis vulgò habeantur, ut nullis prudentiæ ac sapientiæ palmam vulgus hominum libentius deferat.

Ad POLITICA (nisi quis malit ad *Jurisprudentiam* de qua prius egimus;) referri potest, quod interdum ex unius ambiguae aut obscurioris voculae variâ interpretatione multorum hominum millium salus pendeat. Cujus rei cum non pauca, si quis oraculorum ancipitia responsa, veteresq; diligenter explicet memorias, exempla suppetant; nullum tamen insignius, quàm quod ex I. Samuelis, c. VII. v. 9. & 11. peti potest. Ibi in re tantâ, quanta maxima potest in vitâ communi cogitari, & cujus variis temporibus in diversis locis agitatio strages

strages magnas populorum edidit, verbi unius **ὅσων** vera significatio, ex quâ tota sententia pendet, post hominum doctissimorum ex omni fere natione commentationes, nondum extra omnem planè controversiam. Eadem etiam in Homero ubi de regibus & ipse loquitur, verbi Græci ambiguitas. Ait ille de Ulyssæ :

Οὐτε τινα ῥέζας ἐξάσπον, ἔτε τι
εἰπὼν

Ἐν δήμῳ, ἥτ' ἐστὶ δίκην δειάν βα-
σιλῆαν.

Quibus in verbis illud δίκην
tam à scholiaste vetere, quàm
Eustathio, νόμου ἢ ἔργου, ex-
ponitur. Cicero quoque *con-*
suetudinem regiam in eadem
re dixit : in *Oratione* pro Ra-
birio Posthumo ; *Nemo no-*
strum

strum ignorat, etiam si experti non sumus, consuetudinem regiam. Regum autem sunt hæc imperia; Animadvertite, & dicto pare, &c. Sed non id nunc agimus, ut quæ in utramque partem à diversis afferuntur, aut afferri certè possunt, excutiamus.

Ut autem ambigua verbi Græci *ῥήμα* significatio, de quâ multò plura erunt nobis alibi dicenda: ita & Latini apud Ecclesiasticos scriptores *Lex* miras peperit doctorum quorundam hallucinationes, de quibus nos aliquid jam olim in *Notis* ad Optatum Milevitanum: nec ea nunc repetemus.

ATQUE hæc hætenus, quæ de verborum curâ & accurata

tæ eorū cognitionis usu multiplici, pro hâc otii nostri ratione, præsentiq; conditione non intempestiva visa sunt. Viros præstantissimos, qui in hoc erudito se pulvere cum reipublicæ literariæ fructu post renatas literas exercuerunt, nihil attinet hic nominare, cum & multi sint, & satis noti. Quia tamen ita res tulit, ut cum in his essem, Johannis Croii, *Sacrarum Observationum* pars prior ad manus meas perveniret, quarum jam antea non parva erat apud multos expectatio: non inutilem prorsus aut ingratam lectori me sumptuum operam credidi, si aliquam temporis, quod in earum lectione insumpsi, rationem hic redderem. Egregiam
certè

certè illius operam parem-
que in pluribus verbis ex-
plicandis industriam; ean-
demque operam & indu-
striam in veterum scripto-
rum locis non paucis à pravis
aliorum interpretationibus
vindican-^{dis}, sed & emen-
dandis ^{ισοχίαν}, non possum
non agnoscere. Quod si qui
sint, qui hæc levia putent, ii-
dem optimos quosque scrip-
tores tam sacros & ecclesia-
sticos, quàm prophanos om-
nino non legendos, aut etiam
abolendos arbitrentur. Nam
legendos quidem, sed de sen-
su aut genuinâ lectione non
esse laborandum, tam ab om-
ni ratione alienum est, ut vix
esse putem quemquam, men-
tis compotem, qui vel ita
palam

palam dicere, vel clam secum statuere sustineat.

Verumenimverò quam difficile sit hoc studium vel inde liqueat, quod in tantâ diligentia non tamen scopum semper assequitur vir doctissimus. Ut exempli causa, cum non procul ab initio, διαρήματα apud Greg. Nyssenum in istis quæ profert ex illo verbis; τέτων ὃ παρ' ἡμῶν ὁμιλοῦντες ῥηθέντων, ὁ φιλόπονος ἀναγνὼς τὸ δεῖν γεγεῆς τὰ εἰδέναι ποιοῦται τὰ τοῖς διαρήμασι τὰ ἀνιγμένα. *mysticam & spirituales significationem; vel potius ea quæ probanda & demonstranda sunt, interpretatur. Cicero, inquit, διαρήματα vertit præcepta; præcepta appello quæ dicuntur* *Græcè διαρήματα. Hoc sanè jejunum*

junam nimis, nè dicam temerarium. Ait ibi Cicero ; *Etenim si est divinatio, quibusnam à præceptis artis proficiscitur ? præcepta appello quæ dicuntur Græcè Διαρήματα*. Non igitur *præcepta*, simpliciter, τὰ Διαρήματα vertit Cicero : sed *præcepta artis* ; nec id leve discrimen est. Præterea, *præcepta*, an *percepta* sit ibi vera lectio, dubitant docti. Doctiss. Turnebus ex veterum codicum fide, sed & verbi ipsius proprietate adductus, hoc posterius magis probat. Immo *percepta*, longè probabiliorem esse lectionem ausimus ipsi præstare. Διαρήματα siquidem, & καταλήψεις artium magistris eadem. Hoc tum ex aliis discimus, tum ex Sexto Empirico *Pyrrhonicarum*

Quæ-

Questionum lib. I II. cap. 29.
 cujus lemma est, Εἰ ἔστιν ὁ διδασ-
 κων καὶ ὁ μαθητὴς. Uno illo capi-
 te, ἐν θεωρήματι & μίαν καταλήψιν
 promiscuè sapius usurpat. Ut
 cum dicit, ἦτοι γὰρ ἐν θεωρήματι καὶ μία
 κατάληψις: διώαται ποιῆσαι, καὶ ἀτεχνον
 τεχνίτιω, ἢ ἑδαμῶς. Ἀλλ' εἰ μὴν κατὰ-
 ληψις μία καὶ ἀτεχνον τεχνίτιω ἀφορίζε-
 ται, πρῶτον μὲν ἔσται λέγειν ὅτι ἐκ ἑστ
 σύστημα ἐκ καταλήψεων ἢ τέχνη. Ὁ γὰρ
 μηδὲν ὅλας εἶδως, εἰ ἐν θεωρήματι διδασ-
 δεῖν τέχνης, τεχνίτης αὖ ἐπὶ λέγεται (27):
 & quæ sequuntur ibi in ean-
 dem sententiam. Καταλήψιν au-
 tem, *perceptionem* Cicero di-
 fertis verbis non uno loco
 reddit; & quæ Sexto Empi-
 rico aliisque passim, θεωρήματα
 τέχνης: Ciceroni, *percepta artis*.
 Hinc, *catholica* θεωρήματα, in E-
 pistolis ad Atticum, quibus-
 dam

dam, *regula generales*; Si-
meoni autem Bosio, viro do-
ctissimo, *perceptum artis quod*
in omnes conveniat; vel, *re-*
gula generalis. Galenus in
"Oegis, Θεώρημα ἐστὶ πρῶτον καθολικόν,
ἀκολουθεῖται δὲ τὸν πρῶτον τῆς ἰατρικῆς τέλης, ἢ
ἀξιωματικὸν καὶ συλλογιστικὸν τῆς ἰατρικῆς"
ἢ, Θεώρημα ἐστὶ τὸ ἐναγχιόν σπανίας ἐκβατόν.
Sanctus Augustinus in *Solilo-*
quiis. (illa intelligimus quæ
verè sunt Augustini :) τὰ θεω-
ρήματα, alludens ad verbi ori-
ginem, vertit, *spectamina*;
spectamina disciplinarum, i.e.
τὰ θεωρήματα τῶν μαθημάτων; cujus
generis, in exemplum eorum
quæ adeo certa & manifesta
sunt, ut de iis nemo sanus du-
bitare possit, adducit hæc;
Lineam in duas lineas per lon-
gum scindi non posse; at *trans-*
versim infinite secari posse:
sphæram.

sphæram pares circulos habere
 non posse, &c. Stoicorum de-
 cantatissima διαρρήματα, de qui-
 bus aliquid nos alibi, præte-
 reo. Fusior τῶν διαρρημάτων, aut
 vocis potius διαρρήματος explicatio
 ex Mathematicorum
 scriptis & Græcis Aristotelis
 interpretibus, qui in poste-
 riora ejus Analytica com-
 mentati sunt, peti potest. Ad
 hæc igitur διαρρήματα exigenda
 docet Nyssenius, quæcunque
 obscuriora sunt in sacra scri-
 ptura, quæ *enigmata* solet, ut
 & alii passim patres, appel-
 lare. Multa certè in hanc il-
 le, (de obscurioribus per cla-
 riora scilicet explicandis :)
 sententiam passim. Ecce sta-
 tim initio libri secundi : τὴν ἐν
 τῇ ἀρχαιοτέρῃ γράφῃ, ἐν τοῖς τε καὶ
 νεωτέροις καὶ τῇ παλαιώτερος διδασκα-
 λίᾳ

λίας γενομένην ὅτε τ' ἐκφραζομένης εὐσεβείας
 διδασκαλίαν δι' ἐσπέρου τινος καὶ ἀνιήμα-
 τος ὡς μαρτυρίαν τ' ἀπεκλυφθείσης ἡ-
 μῖν ἀληθείας δεχόμεθα εὐσεβῶς πῶς ἀλή-
 θεϊαν τ' ῥητῶν ἐκλαμβάνοντες ὡς συζη-
 νεῖν τῇ παρὰ τοῦ δεσπότης τ' ὅλων ἐκτε-
 δείσει πίστι. *Posteriora verba sic*
vertenda : Vt cum fidei quæ
ab universi Domino tradita est
formula, rectè congruant : non
 ut interpres ibi Latinus, qui
 τὸ συμφανεῖν, quasi de personis,
 non de rebus dictum esset,
 accipit. Hoc igitur qui faci-
 unt, id est obscuriùs indicata
 per notiora exponunt, eos
 τ' λόγον ὅπῃ τινος ἀναιτιρήτως βλάπτει
 ἰσχύει. qui verò non faciunt,
 ψιλῶς καὶ ἀερμηνεύτως vel ἀνεξετάτως καὶ
 ἀθεωρήτως παραδέχονται τ' λόγον, solet
 interdum dicere. Erit igitur
 & in istis de quibus quærimus
 hic Nysseni verbis, *προσαρμόσασθαι*
ῖται

οὗτοι τοῖς ἀποφικταῖς τὰ ἀσχημὰ, *the-
 orematibus vel regulis genera-
 libus* (i. e. fundamentalibus
 articulis fidei :) *alia quæ mi-
 nus perspicua sunt aptare, ut
 nulla sit dissonantia.* Hæc mihi
 veniebant in mentem ex ip-
 sorum, prout illa profert ex
 Nysseno vir doctissimus, ver-
 borum lectione : Non enim
 fateor inventa mihi cùm in
 his essem, in ipso Nysseno ver-
 ba illa quæ profert. Et credi-
 derim *primam*, non *tertiam* o-
 rationem illum voluisse, nisi
 in Gretseri nomine decep-
 tus est. Non enim, nisi fallor,
 alias ex XII. illis *contra Eu-
 nomium* orationibus Latinas
 fecit Gretserus, præter pri-
 mam.

Sed hoc leve est. Illud ali-
 quantò majoris est momenti,
 quod

quod nimio carpendi & contradicendi studio vir doctiss. extra veri limites non raro abripitur. Quale illud est, quod Ciceroni *παρακλῆσις* insulrat, quod addendo deducendoque, quæ reliqui summa cognosci dixerit. Non video, inquit, quomodo aliqua reliqui summa addendo fieri possit. Deducendo quidem, &c. Et hinc concludit, Ciceronem non solum bonum non fuisse ratiocinatorem, sed & *σοφιστικὸν* in verbis, (ex Aristotelis definitione) commisisse. Ridebunt, puto, qui putandis rationibus assueverunt. An igitur potest, ut acceptorum & expensorum quisquam rationem secum ineat, aut alteri reddat, ut non in computando addat deducatque?

Aut

Aut quæ ex additis deductis-
 que summa conficitur, aliud
 quàm *reliquum* (de quo, ut
 & *reliquari* verbo multa Ju-
 risconsulti :) dici debeat ?
 Quod si aliqua in verbis pra-
 cise sumptis *αινεσλογια* aut re-
 pugnancia, non alia certè,
 quàm quæ per figuras haud
 infrequentes & vulgarem lo-
 quendi usum possit excusari.
 Quàm multa in quotidianâ
 sermonis consuetudine planè
 usitata & legitima, quæ si quis
 morosior & rigidior ad leges
 vel Grammaticas vel Diale-
 cticas exigit, obnoxia repre-
 hensioni sint ? Ecce, *puteum*
fodere, *chlamydem texere*, *do-*
mmum adificare ; quid in ore
 omnium frequentius ? Quid
 tamen de his loquendi gene-
 ribus acutiores philosophi,
 no

non ignotum est. Quid quod
 Gregorius Nyssenus integro
 Ἰστορίᾳ κατὰ τὴν ἀποστολὴν libello, *Petrum*
Paulum & Barnabam, quate-
 nus homines sunt, non plures
 esse, sed unicum *κελεύει ὁ θεὸς ὡς*
ἐν τῇ ἀποστολῇ λέγει, quanquam *κα-*
ταχρηστικῶς καὶ διὰ συνῆθηται (ut ipse
 loquitur :) tres vulgò repu-
 tentur, asserat & pluribus ad-
 struat. Quid autem, si in
 verbis Ciceronis *addendi de-*
ducendiq; verba ad solos cal-
 culos (quorum jam olim in
 putandis rationibus usum fu-
 isse) qui nunc obtinet vulgò,
 certum est : & illustris in eam
 rem Polybii locus :) perti-
 neant ? sed non opus est, ut
 eo confugiamus. Sunt enim
addere & deducere hic quasi
καταχρηστικὰ vocabula, quæ etsi per
 se contraria, unam tamen e-
 I andemq;

andemq; rem significant, *computare* scilicet. Geminâ plane phrasi dixit Apostolus (non dicam quod *καὶ οὐκ ἔστιν* aliquis fortasse diceret, per Ciceronis latus, Apostolum ferire illum voluisse,) in Epistolâ ad Philipp: *οἴδατε ὅτι καὶ ὑ-*

Phil. IV.
v. 35.

*μεῖς, φιλικήσθητες, ἑκαστὸν ἀδελφῶν
μου ἐκκλησίαν ἐκκενέμενοι εἰς λόγον δόσεως
καὶ λήψεως, ἢ καὶ ὑμεῖς μὲν:* Nullam
mihi Ecclesiam communicasse
in ratione dati & accepti (ut
tam veteres tam recentiores
verunt interpretes;) nisi vos
solos. Ubi recte doctiss. Ca-
merarius: *ἡ ἐκκενέμενος* est *sum-*
ptus, qui in tabulas refertur so-
der. Tabule autem sunt ex-
pensi & accepti. Ut hoc dicat,
solas Philippenses tam sibi ali-
quid contulisse. Quod ipsi ni-
mirum expensum tulerint A-
postolo,

postolo, Paulus eis retulit acceptum. Tremellius autem in Notis ad Syriacam versionem; [Id est, in rebus pecuniariis, in quibus habetur dati & accepti ratio. Quæ phrasis etiam apud Rabbinos est frequens, exprimiturque vocibus יתן וקבל quæ significant acceptionem & expositionem, si-
ve exhibitionem.]

Sunt etiam non pauca, quæ notat ut nova vir doctus, & hætenus observata nemini; quæ tamen alibi reperire est. Ut quæ de verborum transire, & dispendere non vulgari usu lectores suos jubet observare, quæ nos pridem ex eruditorum virorum in Suetonium Commentariis didiceramus: ut ea præteream, quæ de versibus & quæ de

charta; quæ totidem ferè verbis partim ex Lipsio, partim ex Sūmi Viri in Solinum *Prolegomenis* transcripta videri possint. Quæ non eò dicuntur à me, ut candori ejus aliqua labes (facile enim potest contingere, ut viri docti in eadem interdum imprudentes incurrant :) aspergatur; sed ut ipse aliis mitiorem se præbeat. Miratus sum aliquādiu quā tandem ratione factum sit, ut *Observationes* suas *Sacras & Historicas*, potius quam *Grammaticas*, aut certe *Criticas*, in quibus de verbis tam multa passim, quæ verò ad historiam pertinent nulla, quod sciam, inscriberet: sed desii mirari cū quodam loco *Grammatici & Critici* titulum viris de literis
melioribus

melioribus optimè meritis,
magni probri loco, & quidem
imperitissimè & iniquissimè,
objici ab ipso comperi.

P. 136. Ca-
saubono &
Hainssio, qui
Critici &
Grammatici
sunt, &c.

Hæc de viro docto pro
meo erga illa studia amore,
paulò liberius : quæ quidem
studia ut per se sunt ingenua
& liberalia, ita si ab eorum
mystis & professoribus tra-
ctarentur, næ haud paulò me-
lius & ipsorum studiorum ho-
nori, & tractantium exiltima-
tioni consuleretur.

De lingua vero *Hellenisti-*
câ, de qua multa Croyus in
his *Observationibus*, aliquid &
nos, Deo juvante, in *Diatriba*
De quatuor linguis, Hebræâ,
Græcâ, Latinâ, & Saxonica.

F I N I S.